



歷代史畧
八

伊 8
8581
8





歷代史略卷之六目錄

近世史下

第一篇 明上

第一章 太祖開國 第二章 太祖諸政

第三章 惠帝削藩及成祖篡立

第四章 成祖武功

第二篇 明中

第一章 仁宣致治 第二章 王振亂國及英宗

復辟 附景帝 第三章 憲孝二宗之政

第四章 武宗失德 第五章 大禮之議及嚴嵩



之奸

第三篇 明下

第一章 張居正執政

第二章 萬曆中兵事

附礦

稅

第三章 黨禍及閹禍

第四章 莊烈帝失國

第五章 福王及諸藩之

亡

第四篇 東南諸國事略

第一章 朝鮮

第二章 日本

第三章 安南

第五篇 學藝宗教

第一章 學校科舉

第二章 諸儒學派

第三章 詩文

第四章 喇嘛教

第五章 天主教

附中西之交通及歷算西學

第六篇 制度略

第一章 職官

第二章 地理

第三章 田賦及錢鈔

第四章 河渠漕運

附錄

明及諸國世系明帝在位年數及年號元明官制沿革表明儒傳授表

歷代史略卷之六

近世史下

第一篇 明上

第一章 太祖開國

明太祖朱元璋濠

今鳳陽府臨淮縣

人也幼孤貧無依嘗入皇覺

寺為僧歲饑游食諸州值汝穎兵起往投郭子興子興奇

其貌與語大悅留為親兵妻以所撫馬公女元璋戰數有

功子興署為鎮撫命與徐達湯和等略地定遠得定遠士

李善長為謀主以計拔和州

今安徽和州

遂下太平克安慶分

兵取鎮江常州

今江蘇常州府甯國

今安徽甯國府

諸路衢

今浙江衢州府處浙

江處諸州四方士聞風歸之

陳友諒之僭號也自江州今江西九江府東下攻太平殺元璋守

將花雲元璋旋復太平克江州友諒敗走武昌元順帝至

正二十三年友諒大治舟艦圍攻洪都府名今江西南昌府且約張

士誠夾擊元璋士誠兵不出元璋率師救洪都與友諒遇

於鄱陽湖之康郎山在江西饒州府境友諒士眾艦巨悉力死戰

元璋軍幾殆已而元璋縱火焚友諒舟其眾大敗驍將死

略盡相持數日友諒欲遁復大戰於涇江口今名禁江在九江府湖口

縣西友諒中流矢死其子理遁還武昌明年元璋自立為

吳王率師攻武昌克之以陳理歸湖北江西郡縣皆下明

之帝業實基於此

至正二十七年吳王移檄數張士誠八罪遣徐達常遇春

等討之時士誠據平江其將張天驕守湖州今浙江湖州府潘原

明守杭州皆擁重兵為犄角勢達等先自太湖趨湖州降

天驕別遣李文忠總水陸師攻杭州原明亦降遂進攻平

江士誠固守經年不下達等築長圍困之盡殲其勇勝軍

飛礮擊其弟士信餘眾奪氣城遂破執士誠至應天士誠

自縊死

漢吳張士誠亦號吳國已平吳王議北侵常遇春請以兵直擣元

都王曰元建國百年守備必固懸軍深入餽餉不繼援兵

四集危道也吾欲先取山東撤彼屏蔽移兵兩河破其藩
離拔潼關而守之扼其戶檻然後進兵元都勢孤援絕不
戰自克鼓行而西雲中九原關隴可席捲也諸將皆曰善
乃命徐達為大將軍常遇春為副將軍率師二十萬由淮
入河而北又命胡廷瑞取福建廣東楊璟取廣西湯和討
方國珍國珍降南方悉定洪武元年王即帝位元亡詔以
應天為南京開封為北京改元大都為北平府二年徐達
常遇春略定陝西降元將李思齊遇春進攻上都順帝北
走薊北悉平遇春還次柳河川在宣化府龍門縣西暴疾卒李文忠
代領其眾達亦克慶陽府名屬陝西省今陝西慶陽府禽元將張良臣斬

之帝再貽順帝書不報明年遂命達文忠分兵北伐達至

安定縣名屬甘肅省鞏昌府今甘肅鞏昌府安定縣大破庫庫特穆爾於沈兒峪

在安定縣北文忠至應昌順帝已崩文忠擊走元主阿裕錫哩

達喇獲其子密迪哩巴拉舊作買的里八剌及后妃諸王官屬數

百人窮追至北慶州在今巴林西而還帝頒平定朔漠詔於天

下封密迪哩巴拉為崇禮侯尋大封功臣李善長徐達以

下賜爵有差

元順帝末年隨州今湖北德安府隨州人明玉珍起兵應徐壽輝陷

四川諸郡縣及雲南邊境自稱隴蜀王旋僭帝位於重慶

今四川重慶府國號夏改元天統玉珍卒子昇嗣帝招昇使奉國

人覲昇不從遣其將寇興元

今陝西漢中府南鄭縣

朔漠既平帝議

征夏命湯和廖永忠等以舟師由瞿塘

在四川夔州府東

趨重慶

傅友德等以步騎由秦隴趨成都友德連破階

今甘肅階州文

今階州文縣

等州進拔漢州

今四川成都府漢州

蜀守者皆解

體永忠至瞿塘斷其鐵鎖橋遂薄夔州

今四川夔州府

直擣重慶

昇懼乞降成都尋亦下帝封昇為歸義侯後徙昇及陳理

於高麗

初帝起兵時用小明王韓林兒龍鳳年號劉福通兵敗以

林兒走安豐張士誠遣將攻安豐殺福通林兒告急於帝

帝迎林兒居之滁州帝既稱吳王忌林兒命廖永忠迎林

兒歸應天至瓜步覆舟沈之於江而歸咎於永忠封功臣

時特薄其賞永忠既平蜀恃功僭侈失人臣禮帝遂賜永

忠死命其子襲侯焉

元室之亡故臣遺眾猶充斥於邊境帝遣徐達等鎮北平

每歲春出暮還以禦元兵又遣翰林院待制王禕至雲南

諭降元梁王巴咱爾幹爾密

舊作巴市刺瓦爾密

梁王不從禕被執

不屈死十四年帝命傅友德等征雲南梁王遣其將達爾

瑪

舊作達里麻

將兵十餘萬屯曲靖

今雲南曲靖府

以拒友德倍道疾

趨至白石江

在曲靖府南甯縣東北

出奇計擊破元兵生禽達爾瑪

梁王聞敗乃走晉甯州

今雲南雲南府晉甯州

之忽納砮驅妻子赴

滇池死而與其臣自殺明年藍玉沐英等進克大理禽土酋段世諸蠻部皆下雲南平帝命英世鎮其地

元將納克楚者穆呼哩裔孫也仕元主特古斯特穆爾為太尉將兵數十萬出沒塞下數為邊患二十年帝命馮勝

為征虜大將軍率師征之勝至慶州破其別部乘勝趨金

山使降將蕭喇固舊作乃刺吾見納克楚諭以威德自率大軍

逼其營而陣納克楚懼乞降勝壻常茂斫傷納克楚降眾

驚潰幾為變帝收勝大將軍印召還以藍玉領其軍使討

特古斯特穆爾玉出大甯城名在喜峰口北至慶州聞特古斯特

穆爾在捕魚兒海聞道馳進會大風揚沙晝晦軍行無知

者元兵不設備遂大破其眾禽特古斯特穆爾之子迪保

努舊作地保奴奏捷京師帝大悅遣使齎勅勞玉比之衛青李

靖云

第二章 太祖諸政

帝初起兵優禮賢士獎厲文學克太平時召陶安參幕府

安勸之規取金陵撫形勝以臨四方帝用其策取金陵即

辟夏煜孫炎楊憲等十餘人克處州時有薦劉基章溢葉

琛宋濂者帝以書幣招之入見甚喜從容與論經史及咨

以時事命於所居之處創禮賢館以處之基字伯溫青田

縣名屬浙江省處州府今浙江處州府青田縣人於學靡不窺工謀畫料事多中

帝之取天下大抵用基籌策常比之張子房惟呼先生而不名

吳元年初立廟社建宮室有司進宮殿圖帝見有雕琢奇麗者卽去之及新殿成製皆樸素命博士熊鼎編次古人行事可爲鑒戒者書於殿壁又命書大學衍義於兩廡壁閒曰前代宮室多施繪畫今書此以備省覽豈不愈於丹青乎帝又嘗命有司訪求古今書籍因謂侍臣詹同等曰吾每於宮中無事輒取孔子之言觀之如節用而愛人使民以時真治國之良規也

帝用兵如神所向無敵而以仁義爲本伐吳時首諭徐達等毋殺掠毋毀廬舍毋伐邱壟士誠毋葬平江城外毋侵毀達北侵克汴梁帝親往諭之曰前代革命之際肆行殺戮朕實不忍諸將毋肆焚掠妄殺人元之宗戚咸俾安全大都旣下帝命放元宮人免中原田租徵元故官至南京問以元政得失馬翌對曰元有天下以寬得之亦以寬失之帝曰以寬得之則聞之矣未聞以寬失之也元季君臣耽於逸樂馴至淪亡其失在縱弛實非寬也聖王之道寬而有制簡而有節施之適中則無弊矣

帝銳意圖治善政頗眾修禮樂書定律令行科舉興學校嚴宮闈之政定閹宦之秩規模宏遠均足爲後世法又以

身起布衣習知元末姦吏虐民之弊尤留心於吏治嘗令天下府州縣官來朝諭之曰天下初定百姓財力俱困如初飛之鳥不可拔其羽新植之木不可搖其根在安養生息之而已惟廉者能約己而利人爾等當深念之史稱是時帝懲墨吏每以極刑處之或因士民請留良吏輒進秩留任并有坐事被逮部民列善狀上聞亦復其官且加超擢者一時官吏皆兢兢奉職焉

帝懲元季縱弛以刑罰繩臣下平遙

縣名屬山西省汾州府今山西汾州府平

遙訓導葉伯巨嘗因災異應詔上書諫帝三事一曰分封

太多見下二曰用刑太繁三曰求治太速帝大怒逮下獄

瘐死大理寺卿李仕魯以帝好釋教數上章諫不聽因乞骸骨置笏帝前帝怒命武士摔搏之立死階下帝又多猜忌臣民章奏文字有一二語觸忌諱輒誅竄之時人皆重足而立京官入朝者往往與妻子訣懼旦夕不免於禍云初帝仿元制置中書省以丞相執政既即位以李善長為左丞相徐達為右丞相善長罷汪廣洋繼之而左丞相胡惟庸專省中事帝以為才寵任之尋罷廣洋以惟庸為右丞相惟庸性奸黠與劉基不協基有疾惟庸挾醫往視飲之藥旋卒既廣洋復相惟庸專權納賄生殺黜陟或不奏徑行廣洋浮沈守位無所匡正御史中丞涂節言劉基遇毒

死廣洋宜知狀帝問廣洋對曰無有帝怒責廣洋欺罔賜

死
洪武十三年惟庸結李善長及吉安侯陸仲亨謀叛遣指揮林賢下海招倭與期會遣元故臣封績致書稱臣於元請兵為外應事未發涂節上變告帝大怒命羣臣更訊誅惟庸及其黨御史大夫陳甯以節本與謀并誅之遂罷丞相以政歸六部諭嗣後毋得議置相而善長仲亨置不問至二十三年善長弟存義以胡黨坐逮御史交章劾善長遂賜善長死殺其家屬并誅仲亨等株連三萬餘人帝作姦黨錄條列其罪布告天下

帝初平元立功臣廟於雞鳴山

在江甯府西北

親定其位次以徐

達為首次常遇春李文忠等凡二十二人死者像祀生者虛其位後以功臣驕恣作鐵榜戒之晚年慮太子文弱百歲後諸功臣為患思以次芟除之時常遇春先卒李文忠徐達皆由誚讓致疾薨湯和窺帝意乞骸骨歸鳳陽沐英遠鎮雲南亦卒惟藍玉馮勝等功高而典兵帝深忌之遂興大獄

玉有勇略恃功驕蹇嘗私元主妃帝鑄其過於券玉常快快二十六年錦衣衛指揮蔣瓖告玉謀反云將俟帝出耕藉田舉事帝廷鞫玉族誅之列侯以下坐黨夷滅者萬五

千人馮勝及傅友德方率師巡邊均召還友德請懷遠田千畝帝不悅賜死并及定遠侯王弼二十八年勝邑人告勝家居不法廢兵器於稻場帝召勝賜之酒曰朕不問也勝是夕暴卒於是元功宿將相繼盡矣

第三章 惠帝削藩及成祖篡立

太祖洪武元年立長子標為皇太子建大本堂選儒臣教以經史復懲宋元孤立失古封建意擇名城大都王諸子外衛邊陲內資夾輔三年封子棧為秦王居西櫚晉王居太原居北棣燕王居平櫛吳王居後棖楚王居昌棹齊王居青州居沙梓潭王居長檀魯王居州從孫守謙靖江王居林置相

傅官屬護衛甲士少者二千人多者至萬九千人惟列爵

而不臨民分藩而不錫土與周漢之制稍異十一年復封

子五人為王椿蜀王居成都柏湘王居荆州桂豫王樸漢

居甘州植改二十四年又封子十人為王榘慶王居甯夏

封遼居廣甯後徙雲南德谷王居宣府松韓王居開原

榘岷王居岷州楸安王居平涼桎唐王居南陽棟郢王居

安陸櫛伊居洛陽分封太多遂釀削藩靖難之禍

二十五年太子標卒帝御東角門召羣臣曰太子不幸至

此古云國有長君社稷之福朕意欲立燕王何如學士劉

三吾進曰皇孫年富世嫡之子子歿孫承嫡統禮也即立

燕王置秦晉二王於何地帝大哭而罷是年九月遂立孫

允炆為皇太孫三十一年帝崩遺詔立太孫諸王臨國中毋至京師太孫即位是為惠帝

帝性仁厚嗜學好古初即位聞漢中府名屬陝西省今陝西漢中府教授

方孝孺賢馳驛召之授翰林院侍講凡將相大政議輒咨

孝孺臣僚奏事必命孝孺就辰前批答孝孺亦慨然以明

王道致太平為己任倡議官制興禮樂然是時諸王擁重

兵流言相煽動帝頗危之戶部侍郎卓敬首請徙封燕王

於南昌即洪都府兵部尚書齊泰太常寺卿黃子澄相繼進削

藩之謀未暇一一復古制也

初高皇后馬氏崩諸王奔喪將還太祖命各以一僧與之

吳僧道衍入燕邸數以奇策說燕王王信之北平地據形

勝王智勇有大略洪武末王屢帥師巡邊降元軍甚眾太

祖悉命降軍聽王調用故燕兵之強為天下最至是道衍

勸王謀反日夜籌軍實事聞黃子澄等議先取諸王翦燕

之手足遂次第廢周王橚齊王榑代王桂岷王榑等湘王

柏畏誅自焚死建文元年燕王舉兵反以誅齊泰黃子澄

為名稱其兵曰靖難以道衍為謀主護衛張玉朱能等為

將連陷薊州屬北平府今直隸順天府薊州懷來衛名屬北平府今直隸宣化府懷來縣永

平府名屬北平府今直隸永平府通州各地谷王穗棄宣府衛名屬谷王

府化奔京師

帝聞燕王反告太廟削其屬籍廢為庶人拜長興侯耿炳文為征虜大將軍率師討之炳文與棣戰於滹沱河北敗績帝召炳文還以曹國公李景隆代之景隆黃子澄所薦也棣誘景隆攻北平而以單騎入大甯衛名屬北平省今喀喇沁右翼執甯王權奪其眾還與景隆戰於鄭村壩在順天府大興縣東景隆大敗奔德州縣名屬山東省濟南府今山東濟南府德州二年景隆誓師德州合軍六十萬與棣戰於白溝河在直隸保定府新城縣西連敗燕軍棣幾殆會棣次子高煦來援棣軍復振景隆敗潰奔德州尋還京師帝釋不誅

棣軍陷德州進攻濟南府名屬山東省今山東濟南府參政鐵鉉與都督

盛庸等固守濟南襲擊燕軍破之乘勝復德州復與棣大戰於東昌府名屬山東省今山東東昌府斬其將張玉棣引還北平三年棣用道衍計南出保定府名屬北平省今直隸保定府盛庸逆戰於夾河在直隸冀州武邑縣南斬其將譚淵燕軍大挫已而復戰勝負未決忽大風起飛埃蔽天官軍逆風咫尺不辨物棣縱兵左右擊斬首數萬庸敗還德州

李景隆之敗帝罷齊泰黃子澄官以謝燕而陰留之京師仍參密議東昌告捷帝遂復二人官及庸敗帝復竄泰子澄於外密令為募兵計詔赦燕罪令罷兵歸藩棣不奉詔會京師中官有輸款於燕者棣遂大舉南犯四年帝命魏

國公徐輝祖帥師禦棣兵於山東未幾召輝祖還燕兵遂

渡淮陷揚州

府名屬南直隸今江蘇揚州府

燕兵至江上帝徵天下兵勤王下詔罪己用方孝孺計遣使詣棣營割地許和棣不從渡江犯京師屯兵金川門谷王及李景隆開門出降都城陷宮中火起帝不知所終棣遣中使出馬后屍於火詭云帝屍越八日用學士王景言備禮葬之然葬地所在後無聞焉或曰帝由地道出亡其後滇黔巴蜀間皆傳有帝為僧時往來蹤跡世遂以帝為遜國云

棣發北平時道衍以方孝孺為屬曰城下之日彼必不降幸勿殺之殺孝孺天下讀書種子絕矣棣既入京遂篡帝位是為成祖亟召孝孺草登極詔孝孺哭且罵聲徹殿陛帝強之書孝孺乃大書燕賊篡位四字帝大怒會齊泰黃子澄被執至京帝命同磔於市并誅其族黨數百人同時諸臣殉節者甚眾卓敬鐵鉉及御史大夫練子甯景清等皆坐磔夷其族清謀刺帝帝尤恨之籍其鄉轉相攀染謂之瓜蔓鈔村里為墟後盛庸耿炳文皆自殺李景隆亦坐事廢錮

帝革建文年號以是年為洪武三十五年明年為永樂元年凡建文中所更政令條格悉罷復舊至神宗時始復建

文年號附事蹟於太祖實錄之末諸臣盡節者各祀於鄉並卹錄其苗裔而惠帝之廟諡未定通稱建文帝至我大清

高宗純皇帝乾隆元年始追諡曰恭愍惠皇帝

第四章 成祖武功

成祖卽位大封諸將邱福朱能等侯伯各十四人謂之靖難功臣復周齊代岷四王國以道衍爲僧錄司左善世尋拜太子少師復姚氏姓賜名廣孝帝與語常呼爲少師而不名帝以北平爲發祥之地改爲北京發流罪以下墾北京田又徙直隸蘇州等十郡浙江等九省富民實之蓋已

定遷都之計然方有事於南方未遽行也

帝疑惠帝出亡海外數遣中宮蹤跡之永樂元年遣馬彬李興等使瓜哇蘇門答刺等國無所得三年又遣鄭和使西洋和齎金幣率兵卒泛海至占城以次徧歷西洋頒天子詔宣示威德因給賜其君長不服則以兵懾之諸邦咸聽命比和還皆遣使者隨和朝貢帝大喜復命和往徧賚諸邦由是來朝者益眾和先後凡七奉使三禽番長初禽酋陳祖義次禽錫蘭王亞利苦奈兒最後禽蘇門答刺王子蘇幹利舊港後之承命海表者莫不盛稱和以誇外番焉

惠帝時安南人黎季犛弒國王陳日焜而篡其位更名曰

胡一元名其子蒼曰胡奩尋自稱太上皇傳位於奩帝初
卽位奩遣使奉表朝貢詭言陳氏嗣絕臣爲眾所推乞賜
封爵帝因封之旣而前國王日燿弟陳天平來奔請兵復
讎帝悔封奩之誤遣使詰責奩請迎天平歸國帝信之以
兵納天平於安南奩伏兵邀殺天平帝怒大發兵討安南
以朱能爲征夷將軍沐晟張輔副之帥十八將軍分道進
能卒於軍詔輔代之

四年輔帥師至安南破其兵於嘉林江

在越南北圻

遂克多邦

屬越南北圻

循富良江進攻東都

安南有東西二都東曰交州府卽今越南北圻

河內省西曰清化府卽今越南中圻清華省

遣別將李彬等取西都所至城邑

皆望風款附明年黎季犛以海艘拒戰於富良江輔等督
舟師破之窮追至奇羅海口

在越南中圻又安省東南

獲季犛及其子

蒼檻送京師詔求陳氏後不得乃以安南爲交趾省分府
十七州五設布政使司領之未幾交趾復亂陳氏故官簡
定立蠻人陳季擴爲帝沐晟討之敗績帝復遣張輔往討
輔破賊兵獲簡定季擴逸去輔還季擴集餘眾復叛至十
二年張輔復出師敗季擴兵追及老撾

卽今南掌國

獲之安南
始平

元主特古斯特穆爾後五傳至琨特穆爾

舊作坤帖木兒

咸被弑

有郭勒齊

舊作鬼力赤

者篡立稱可汗去國號改稱韃靼元太

祖弟楚齊格爾舊作朔只哈兒裔孫阿嚕台弒郭勒齊迎琨特穆

爾弟布尼雅錫哩舊作本雅失里於巴什伯里立之帝遣使於韃

靼為所殺遂以邱福為征虜大將軍帥師擊之福至臚胸

河與布尼雅錫哩戰敗沒八年帝自將五十萬眾征之布

尼雅錫哩聞大軍至西遁阿嚕台亦率眾東走帝追及布

尼雅錫哩於鄂諾河麾兵奮擊大敗之復移師敗阿嚕台

於飛雲壑追北至廣漠成二地均在漠北而還

初元臣孟克特穆爾舊作猛可帖木兒乘元室之衰據衛拉特部

士馬甚強孟克特穆爾死眾分為三其渠曰瑪哈木特舊作

瑪哈木曰太平曰巴圖博囉舊作巴秃孛羅帝均封之為王而瑪哈

木特殊無內附意布尼雅錫哩既敗往投衛拉特瑪哈木

特弒之立塔爾巴為汗阿嚕台來降請兵復仇帝封阿嚕

台為和甯王瑪哈木特聞之遂侵邊十二年帝親征衛拉

特師次和拉和錫袞舊作忽蘭忽失温在故和林東境瑪哈木特等三部

掃境來戰帝大敗之追及圖拉河始班師

十九年遷都北京改應天為南京未幾奉天謹身華蓋三

殿災詔求直言主事蕭儀侍讀李時勉應詔言遷都不便

帝大怒殺儀下時勉於獄是年冬帝將大舉北征尚書夏

原吉吳中方賓等皆諫以為不可帝下原吉中於獄賓懼

而自殺明年帝遂親征阿嚕台

阿嚕台初爲衛拉特所敗窮蹙南竄帝納而助之數年生
聚蕃富浸桀驁拘留朝使數寇北邊及帝親征大懼棄輜
重於庫倫海在漠北飲側遁去帝謂侍臣曰阿嚕台悖逆

恃烏梁海爲羽翼也當移師翦之遂簡步騎二萬五道並

進至啟拉爾河舊作屈裂兒河在今喀喇沁敖罕境遇其部眾帝麾左右翼

夾擊自率前鋒衝之斬首數百級遂班師其後阿嚕台部
眾潰散帝再出師親征皆不見一敵而還

帝以叛逆得國誅戮之慘前代所無而銳意外征能竟太
祖未竟之志明室基礎於是始固交趾既改郡縣又設貴
州布政使司轄元八番之地改土歸流遂爲內地帝之武

功實駕惠帝之上而其時翰林學士胡廣等奉勅修五經
四書及宋儒性理諸書名曰大全頒行天下姚廣孝等復
編永樂大典二萬數千卷薈萃古書極爲繁富文治亦蔚
然可觀焉

第二篇 明中

第一章 仁宣致治

成祖三子長高熾次高煦次高燧靖難兵起高煦從戰數
有功成祖喜以爲類己高煦亦以此自負謀奪嫡及議建
儲邱福等言高煦有功宜立獨兵部尚書金忠力言其不
可帝召解縉問之縉稱皇長子仁孝天下歸心帝不應縉
又頓首曰好聖孫謂皇孫瞻基也帝意乃決永樂二年立
高熾爲皇太子封高煦爲漢王高燧爲趙王後又立瞻基
爲皇太孫每出征常命太孫從歷行陳習知兵法焉
成祖五次親征漠北悉命太子監國太子性仁厚宮僚黃

淮楊士奇楊溥蹇義等悉力輔導多行善政而高煦高燧數因事譖太子帝怒輒繫士奇等於獄二十一年帝有疾趙護衛指揮孟賢等謀弑帝立高燧事覺伏誅帝欲罪高燧太子力解得免二十二年帝北征還次榆木川在故開平城西崩太子卽位是爲仁宗首釋夏原吉等於獄咨以時事原吉以振饑省賦役罷西洋取寶船及雲南交趾采辦對帝悉從之

初太祖罷丞相政在六部尚書成祖以侍讀編修等官入直文淵閣參機務備顧問謂之內閣帝卽位以楊榮金幼孜黃淮楊士奇等皆東宮舊臣特加其官悉兼殿閣大學士綜理機務得專制諸司於是內閣之職擬於宰相帝委任榮等言無不從嘗賜之銀章各一曰繩愆糾繆諭以政事有闕羣臣言而未從者用此章密疏以聞故帝雖短祚世稱其賢

成祖用刑嚴酷任都御史陳瑛錦衣衛指揮紀綱等糾察官吏往往戮及無辜帝懲其失詔法司曰若朕過於嫉惡法外用刑法司執奏五奏不允同三公大臣執奏必允乃已然詔下未幾侍讀李時勉抗疏言事帝怒召至便殿命武士以金瓜擊折其脇死而復蘇又下之獄則亦不僅嚴刑之失矣

仁宗在位一年崩太子瞻基立是為宣宗初漢王高煦封

於雲南徙封青州後有罪又徙封樂安州屬山東省青州府今山東青州

府樂安縣常懷怨望謀不軌及聞帝立遂發兵反宣德元年帝

親征高煦先以書諭之高煦諗帝知兵內懼大兵至樂安

其臣欲拒戰高煦知力不敵焚軍器文書出降兵部尚書

陳山請帝移師襲彰德府名屬河南省今河南彰德府執趙王楊士奇楊

溥持不可帝以璽書及羣臣章賜趙王趙王大喜上表謝

且獻護衛帝至京師廢高煦為庶人築室西安門內謂之

逍遙城并其諸子錮之後帝往視高煦高煦伸足句帝仆

地帝乃以銅缸覆高煦積炭於上而焚之

永樂末黎利叛於交趾至仁宗時益猖獗帝初即位遣成

山侯王通討之軍至應平縣名屬交州府在今越南北圻興安省遇伏大敗

參贊尚書陳洽陷陣死通被創走懼賊甚陰許為利請封

而檄清化注見上以南歸黎氏帝復命安遠侯柳升督師往

討二年升至交趾連破關隘數十進薄倒馬坡在越南雞陵關南

遇伏死諸軍盡沒通遂棄交趾與利盟而還利立陳暲為

陳氏後表請續封帝心知其詐欲藉此息兵詔廷臣集議

蹇義夏原吉以為不可許楊榮楊士奇並言許之便帝遂

赦利罷交趾布政使詔諸軍還通至京廷臣劾其擅棄交

趾罪下獄論死

帝留心吏治嘗問廷臣貪廉於楊士奇楊榮士奇言都御史劉觀貪狀因薦通政使顧佐廉公有威可代觀帝立黜觀擢佐爲右都御史賜敕獎勉佐視事卽奏免御史不法及老疾者三十二人朝綱肅然帝又以知府多循資格不稱任命大臣舉京官廉能者用之遂擢郎中況鍾等九人分任雄劇地後鍾等皆著聲績有居官至一二十年者吏稱其職民安其業一時蒸蒸稱盛世焉

帝在位十年勤政愛民屢下寬恤之詔減逋賦省徭役嘗作帝訓示後世子孫作官箴以戒百官揭幽風圖於殿壁以諭農桑之務事多可紀然帝寵孫貴妃立其子祁鎮爲太子遂立貴妃爲皇后孫皇后無故被廢殊爲盛德之玷云

第二章 王振亂國及英宗復辟 附景帝

太祖鑑漢唐宦官之害揭鐵牌於宮門禁內臣預政典兵且禁其讀書惠帝遇宦官尤嚴靖難兵起內臣多漏朝廷虛實於燕成祖以爲忠於己卽位後分命內臣出鎮賜公侯服位諸將上又建東廠使刺外事宣宗立內書堂選翰林諸臣授小內使書於是宦官得通文墨掌章奏而王振等相繼亂國終明之世其禍尤烈於漢唐矣

宣宗崩太子祁鎮立是爲英宗時年九歲太皇太后張氏

命楊士奇楊榮楊溥輔政臣民章奏悉聽裁決三人同心
議政時號三楊而司禮監太監王振有寵於帝居中用事
正統二年太皇太后召三楊及張輔胡濙入見諭帝宜委
以國事又詔振數其罪欲殺之帝及諸臣為請乃已未幾
太后崩三楊次第卒振遂專國政

太祖時大軍平雲南平緬元路名在今雲南永昌府騰越州東北酋思倫發

以地降詔以為宣慰使兼轄麓川亦在騰越州境諸蠻思倫發死

子思任發襲職桀黠喜兵數擾邊四年帝命沐晟討之晟

敗而死思任發旋遣使修貢王振欲立邊功大發兵使總

督王驥都督蔣貴等往討其罪驥至上江即龍川江在麓川者為上江近

騰越者為下江大破麓川兵思任發攜二子走孟養土府名今為孟良土司驥平其地留兵守之

七年思任發竄緬甸其子思機發帥餘眾據者藍麓川別寨地通

孟明年帝命王驥再征麓川且索思任發於緬甸驥攻者

藍破之思機發遁去緬人出思任發獻雲南斬首送京師

王振欲得思機發復遣驥征麓川十四年驥渡金沙江破

賊於鬼哭山在孟養西南思機發脫去諸蠻復擁思任發少子

思陸據孟養驥乃與思陸約立石金沙江為界班師而歸

王振柄政外事甲兵內興土木去太祖所置鐵牌專恣日

甚翰林院侍講劉球應詔言事觸振怒下錦衣獄陰遣小

瑞殺之大理寺少卿薛瑄祭酒李時勉吏部尚書王直皆不附振振因事先後下瑄直於獄枷時勉於國子監門旋因迫於公議而釋之是時閩浙賊鄧茂七陳鑑湖等所在蠶起皆以誅振為名振猶不悛怙寵肆虐未幾即有土木堡名在宣化府懷來縣西之變

衛拉特王瑪哈木特死子托歡舊作脫歡嗣襲殺阿嚕台逐所立阿爾台王子而立元後托克托布哈舊作托都為汗正統

初阿爾台常寇邊衛拉特獨數人貢朝廷利其來設馬市於大同以羈縻之托歡死子額森舊作也先嗣自稱太師准王服屬諸部其勢日強會王振滅其馬價遂結諸部入寇

十七年秋七月帝用王振言親征衛拉特命弟郕王祁鈺居守廷臣交諫不聽師至居庸關羣臣請駐蹕不許至宣

府大風雨復有諫者振虓怒不從進次陽和衛名屬山西府山西大同振益欲北時寇兵偽退以誘六師鎮守太監郭

敬密告振曰北則墮敵計振始懼旋師至宣府敵騎大至恭順侯吳克忠等戰沒帝次土木掘井二丈餘不得水寇

兵乘之王師大潰死者數十萬諸大臣皆死之振亦被殺額森擁帝北去

敗報至京師羣臣議戰守侍講徐瑄請南遷兵部侍郎于謙曰欲遷者可斬京師天下根本一動大事去矣太后遣

使齎金寶詣額森營請還車駕不果遂命邸王監國立皇子見深為太子以于謙為兵部尚書任軍國事籍王振家夷其族九月邸王以太后命即帝位尊帝為太上皇

額森既虜上皇得中官喜甯盡知中國虛實乃詭言奉上皇還京而大舉入寇由陽和進陷白羊口在大同府天鎮縣北入紫

荆關在直隸易州西長驅犯京師于謙與都司石亨都督孫鏗等督兵禦之額森邀大臣出迎上皇謙不聽額森與亨等戰

不利引去都督楊洪復擊之於居庸關額森仍以上皇北行景泰元年額森寇甯夏衛名屬陝西省今甘肅甯夏府復寇大同都督

郭登大破之於栲栳山在朔平府平魯縣西北又誘執喜甯誅之額

森氣大沮遂遣使請和

額森之入寇也使托克托布哈及知院阿拉舊作阿剌等分犯

各邊二人忌額森之強內懷攜貳額森自京師敗還托克托布哈即遣使人貢帝用胡濙等議厚賜以閒之至是托

克托布哈額森各遣使來廷臣交章請迎上皇帝不憚于謙從容言之帝乃遣右都御史楊善等如衛拉特奉迎上

皇二年八月上皇至京師帝居上皇於南宮其後額森弑托克托布哈自稱大元特克紳汗舊作田盛可汗旋為阿拉所殺

韃靼部人保喇舊作李來復殺阿拉立托克托布哈之子穆爾格爾舊作麻兒可兒號小王子於是衛拉特遠衰邊境稍乂

三年廣西土目黃玠以罪下獄或教之上疏請易太子帝立赦玠召羣臣集議羣臣心非之而莫敢阻帝遂廢皇太子見深爲沂王立子見濟爲太子四年太子卒時帝久不朝上皇禮部郎中章綸御史鍾同疏請朝上皇復立沂王帝大怒執綸同繫詔獄拷掠備至旣南京大理寺少卿廖莊亦言之帝杖莊於闕下謫爲驛丞並杖綸同於獄同竟死綸死而復甦繫如故

八年帝不豫羣臣請立太子不許武清侯石亨內臣曹吉

祥與右副都御史徐有貞即徐理謀夜毀南宮城門迎上皇

復位改元天順執于謙及大學士王文下獄誣謙等謀迎

外藩入繼大統坐以謀逆律凌遲處死籍其家謙忠清亮直才略開敏自遭寇變亡身憂國敵先後入犯卒不得逞皆謙功也爲有貞亨所嫉遂及於難棄市之日陰霾翳天朝野冤之帝旣復辟廢景泰帝仍爲郕王遷之西內王尋薨諡曰戾憲宗成化十一年追諡爲景皇帝

帝錄奪門功封石亨忠國公徐有貞武功伯予曹吉祥等錦衣衛世職亨吉祥恃功驕恣與有貞漸不協時有貞已兼大學士入閣與閣臣李賢謀排亨等亨等譖之於帝遂下有貞賢於獄謫爲參政帝意嚮賢復召入閣而放有貞於金齒天順三年亨從子彪有罪下獄亨罷歸第四年廷

臣奏亨怨望謀不軌詔下亨詔獄籍其家亨瘐死彪僂於市吉祥見亨敗不自安五年保喇寇邊帝遣孫鏗等禦之吉祥與其養子欽謀以出師之日發兵反事泄帝收吉祥欽遂入朝房斫傷李賢率眾攻長安門及東安門鏗召西征軍擊之欽投井死帝出吉祥與欽尸同磔於市夷其族帝以寵王振致禍幾亡國復辟後猶不悟憫振之死特復其官建祠祀之賜額曰旌忠又倚錦衣官校爲耳目使刺外事指揮門達僉都遂杲均得幸李賢請罷錦衣官刺事不許杲爲曹欽所殺達愈橫錦衣所逮繫囚獄舍幾不能容至憲宗立達始敗

第三章 憲孝二宗之政

英宗復辟八年而崩太子見深立是爲憲宗憲宗成化初

年閣臣李賢彭時商輅皆賢失政頗尠西華縣名屬河南

河南陳州府西華縣賊劉通亂於荆襄開成縣名屬陝西省平涼府

酋滿俊叛於石城在固原州西北皆不久卽平而僉都御史韓雍

破獠獞於大藤峽在廣西潯州府桂平縣西尤爲邊功

之冠及賢時相繼卒帝怠於政寵萬貴妃佞倖寢用事閣

臣萬安劉吉固寵取容無所匡救於是朝事日紊

太監汪直故大藤峽獠種年少黠譎帝寵之特置西廠廣

設緹騎以直領之俾刺外事直羅織細故屢興大獄冤死

者相屬商輅率同官力請罷西廠兵部尚書項忠亦倡九卿劾直帝爲暫罷西廠尋復之直益橫恣構陷忠黜爲民輅遂引疾歸

天順以來韃靼諸部入居河套

今鄂爾多斯境

逼近延

即陝西綏安府

即陝西綏德州

鈔掠無虛歲成化九年延綏總督王越襲寇於紅

鹽池

在陝西榆林府西北與甘肅甯夏府接界

大破之巡撫余子俊復築邊牆

起清水營

在陝西榆林府東北

抵花馬石

在甘肅甯夏府境

延袤千七百餘

里邊患少息及汪直用事思以邊功自樹越諂附之十六

年韃靼入寇直請出監軍與越破敵於威甯海子

在今正黃旗察

哈爾南

以功增祿明年寇犯宣府直復出禦敵中官尚銘阿

丑等乘間發其奸帝乃罷西廠言官交劾直越交結罪詔

降直奉御免越官編管安陸州

屬湖廣省德安府今湖北德安府安陸縣

汪直雖敗方士李孜省及僧繼曉相繼以祕術進與中官

梁芳等表裏爲姦刑部員外郎林俊疏諫帝下俊詔獄謫

之後因天變黜孜省繼曉等罷傳奉官五百餘人未幾孜

省等復進亂政愈甚帝在位二十三年崩太子祐楹立是

爲孝宗孜省芳均謫戍罷傳奉官奪僧道封號尋復逮孜

省下獄瘐死繼曉亦伏誅

孝宗初立罷萬安劉吉以徐溥劉健等爲大學士王恕爲

吏部尚書馬文升爲兵部尚書羣賢並進朝局一新恕在

憲宗朝先後應詔陳言凡五十餘奏皆力阻權倖天下傾心慕之至是綜人才覈功實請停納粟例釐正選法益發攄其志後禮部尚書邱濬入閣與恕有隙恕遂乞罷未幾濬卒李東陽謝遷入閣廷臣翕然無閒

初元裔恩克特穆爾

舊作安克帖木兒

王哈密

今新疆哈密廳

永樂中遣

使朝貢成祖封為忠順王即其地置衛所恩克特穆爾再

傳至布拉噶

舊作卜列革

卒無子土魯番酋阿里

舊作阿力

乘機襲

破哈密以其妹婿伊蘭

舊作牙蘭

鎮之時憲宗成化九年也踰

三年忠順王故部哈商

舊作罕慎

糾諸部襲哈密攻逐伊蘭及

帝即位封哈商為忠順王阿里子阿哈瑪特

舊作阿里麻

聞之

怒曰哈商非忠順族安得封誘殺哈商復據哈密通貢於

朝帝卻其貢責令獻還哈密求故忠順王托克托從孫善

巴

舊作陝巴

立之宏治六年阿哈瑪特復襲哈密執善巴以伊

蘭鎮其地馬文升請於帝勅巡撫許進討之進出嘉峪關

在甘肅肅州西

會師於伊濟穆爾川

舊作羽集也川

冒雨雪奄至哈密城

拔之伊蘭遁去十年冬阿哈瑪特送還善巴款關求貢朝

廷許之仍命善巴為忠順王哈密復安

憲宗時閣臣罕得進見上下否隔故宵小因緣為奸帝懲

其失數召見諸臣裁決庶務兵部尚書劉大夏左都御史

戴珊均以材見知帝常召之密詢政策閣臣徐溥卒後惟

李東陽劉健謝遷秉政三人竭誠盡慮知無不言每進見帝輒屏左右與語左右不得聞但聞帝數數稱善時人爲之語曰李公謀劉公斷謝公尤侃侃明代君臣之相得未有如宏治時者也

帝在位省刑薄斂力除弊政而宦官外戚猶多專橫言者

往往得罪給事中龐泮御史劉紳以錦衣官校逮武岡

州名

屬湖南省寶慶府今湖南寶慶府武岡州知州劉遜糾科道官論之帝盡下紳

等於獄六科爲空刑部吏徐珪憤東廠苛暴請革之黜爲民於是中官李廣皇后弟張鶴齡等益用事權傾中外廣後有罪自殺戶部主事李夢陽上書劾鶴齡鶴齡爲稍戢

然帝猶使之與政至世宗時鶴齡兄弟卒得罪論死

第四章 武宗失德

宏治十八年孝宗崩太子厚照立是爲武宗武宗幼而好弄狎昵羣小及卽位與太監劉瑾張永等八人日事遊戲怠於政事時謂瑾等爲八黨亦謂之八虎正德元年劉健劉大夏馬文升均以言事不用乞休帝留健而罷大夏文升以焦芳爲吏部尚書芳性麤鄙結中官干進由是瑾等益肆

戶部尚書韓文率諸大臣伏闕抗疏請斥瑾等帝心動欲安置之南京劉健謝遷力持之謂必殺八人乃已焦芳馳

告瑾使爲計瑾等夜伏帝前環泣帝乃以瑾掌司禮監罷
健遷以芳及吏部侍郎王鏊代之杖言官請留健遷者削
韓文職二年瑾矯詔列健遷等五十三人爲姦黨榜示朝
堂召羣臣跪金水橋南宣戒之

瑾誘帝於西華門外作豹房朝夕處其中每奏事必伺帝
戲弄時帝厭之亟揮去曰吾用若何事乃溷我自此大小
事皆瑾專決不復白帝三年夏有遺匿名書於御道數瑾
罪者瑾矯詔召百官跪奉天門外誥之尋執五品官以下
三百餘人悉下獄究主名者李東陽力請乃免瑾知眾心
不服立內廠自領之遣使四出緝事中人以危法無得全

者

五年安化王寘鐮反以誅劉瑾爲名詔右都御史楊一清
討之以張永監其軍未至而玉泉營

在甘肅甯夏府西南

游擊仇鉞

已襲執寘鐮以獻時張永與瑾有隙一清知之密與畫策
使圖瑾永用其策乘獻俘之便奏瑾因激安化之變心不
自安謀不軌帝乃誅瑾罷焦芳諸附瑾者皆竄逐朝署爲
清

自劉瑾亂政朝野洶洶羣盜並起直隸山東有劉六劉七
齊彥名等河南有楊虎趙鏐等四川湖廣有藍廷瑞喻思
任等福建江西有謝志山池仲容等騷擾蔓延幾徧宇內

兵部侍郎陸完都御史彭澤陳金等先後討平之而帝以畿輔空虛調邊兵入衛於是復寵用江彬肆惡尤甚於瑾彬宣府人官大同游擊性機警以賂太監錢甯得入豹房侍帝教帝調宣府大同遼東延綏四鎮兵入京師號四家軍以彬統之帝與羣閹講武禁中晨夕馳逐朝政益荒彬又導帝爲微行度居庸關至宣府虜掠婦女淫戲無度大臣交諫不聽會韃靼寇邊帝自擊之斬首十六級帝遂自稱總督軍務威武大將軍朱壽奏捷班師

十三年帝復如宣府徧歷塞下自加封鎮國公大學士楊廷和梁儲極諫不聽明年還京自加太師欲往兩畿山東祀神祈福閣臣及科道官切諫不報兵部郎中黃鞏修撰舒芬邀同官連疏進諫帝及諸倖臣大怒下鞏等於獄罰芬等跪午門外五日羣臣復有諫者帝益怒並罰跪下獄跪畢復杖之於廷死者十一人餘悉貶黜而車駕亦以是不出

甯王權五世孫宸濠居南昌素有異志賄結錢甯及陸完謀伺帝崩入繼大統江彬欲傾錢甯發其奸諸臣亦多言宸濠不法狀詔收其護衛宸濠遂反殺巡撫孫燧按察使許達集兵十萬分陷江西諸郡縣先是江西賊池仲容等已平復叛兵部尚書王瓊薦王守仁才帝以爲僉都御史

巡撫南贛汀漳守仁至南贛賊旋平及宸濠叛守仁趨吉

安府名屬江西省今江西吉安府與知府伍文定謀給宸濠使東下而發

兵直擣南昌宸濠至安慶府名屬南直隸今安徽安慶府圍攻不克聞守

仁下南昌還師來救守仁與戰於樵舍鎮名在南昌府新建縣西北大

敗其眾遂禽宸濠

帝聞宸濠反下詔南征比發京師王守仁捷至帝乃幸南

京命太監張忠安邊伯許泰率京軍往江西江彬在途導

帝漁獵所在騷然忠等至江西欲構陷王守仁奪其功守

仁械宸濠閒道至南京忠等媒孽不已賴張永左右之得

免十五年秋帝受江西俘班師還京誅宸濠及陸完等於

通州明年帝得嘔血疾崩於豹房楊廷和白太后誅江彬錢甯等盡革帝所行弊政中外大悅

第五章 大禮之議及嚴嵩之奸

武宗無子遺詔命閣臣議所立楊廷和以太后命迎立興

獻王祐杭憲宗次子世子厚熹是為世宗世宗即位六日即詔

議崇奉興獻王典禮廷和及禮部尚書毛澄請如宋英宗

濮安獻王故事稱孝宗曰皇考興獻王曰皇叔父帝不憚

進士張璁上疏請尊崇所生立興獻王廟於京師帝是之

詔追尊興獻王為興獻皇帝

嘉靖元年定議稱孝宗曰皇考張太后曰聖母興獻帝后

止稱本生不稱皇毛澄以議禮不合罷三年南京刑部主
事桂萼疏請改稱孝宗曰皇伯考興獻帝曰皇考侍郎席
書員外方獻夫與之議合帝罷楊廷和追尊興獻帝曰本
生皇考召用璫萼獻夫等未幾復詔去本生字羣臣伏闕
諫號呼震殿陛帝怒戍學士豐熙等於邊杖員外郎馬理
等於廷遂更定大禮稱孝宗皇伯考獻皇帝皇考立廟皇
城祀獻皇帝

自大禮議起璫萼躋清要排擊異己者楊廷和罷後閣
臣蔣冕毛紀費宏石瑄等皆不能久於其位璫等又藉妖
賊李福達之獄罷謫刑部尚書顏頤壽等四十六人於是

璫萼相繼入閣製明倫大典頒示天下盡削議禮諸臣籍
惟楊一清以老臣贊璫等議得居首輔尋亦為璫等所賣
坐事奪職萼在閣不久卒璫後改名孚敬屢罷屢起深得
帝眷

當是時土魯番酋莽蘇爾舊作滿速兒復據哈密拘留忠順王

巴雅濟舊作拜牙屢寇肅州三邊總制王瓊畏其勢遂棄哈密

許土魯番通貢甘州大同軍數為亂殺鎮將田州屬廣西

西思恩府蠻及斷藤峽猺亦競起為亂王守仁平之而朝

臣無以邊事為意者惟爭議禮之事朋黨攻訐如水火帝
又怠於政事崇信道教寵方士邵元節陶仲文段朝用等

大興齋醮委政閣臣致嚴嵩得竊柄而禍國焉

張孚敬以十四年罷費宏復入閣宏卒禮部尚書夏言入閣嚴嵩自南京入為禮部尚書贖貨翫法為言者糾劾嵩欲固位阿帝旨請尊獻皇帝廟號曰睿宗祔於太廟又作慶雲賦及大禮告成頌上之由是有寵夏言與翊國公郭勛有隙嵩比勛而構言言遂失帝意再罷再相二十一年言復罷嵩入閣一意媚帝竊權罔利喉言官劾首輔翟鑾去之票擬一出嵩手後帝厭嵩貪橫復召言入閣言至務反嵩所為嵩不敢抗而心銜之遂藉諳達舊作俺答事傾言宏治以來韃靼之居河套者以小王子和碩舊作火篩為最強

楊一清王瓊嘗議復河套不果武宗時和碩出套獨小王

子居套中控弦十餘萬常為邊患小王子有三子長阿爾

倫次阿著次滿官真阿著嗣父而號小王子阿著死阿爾

倫之子卜赤號小王子而阿著子濟農舊作吉囊諳達分居別

部卜赤後厭兵徙幕東方號土默特濟農諳達仍居套中

嘉靖初三邊總制劉天和擊敗濟農濟農旋死子朗台吉

舊作狼台吉等散處河西勢不振惟諳達獨盛入寇無虛歲

二十五年帝以兵部侍郎曾銑總督陝西三邊軍務銑喜

功名建言復河套條八議以進夏言力主其說帝亦壯之

諳達求貢不許銑遂鳩兵繕塞銳志出師帝意忽中變降

嚴旨責銑嚴嵩因極言河套不可復結廷臣攻銑并及言
二十七年銑坐交結近侍律棄市言亦坐受銑賄論死自
是諸臣入閣者拱默順嵩意大權一歸於嵩矣

二十九年諳達大舉入寇越宣府走薊州塞入古北口順在

天府密雲長驅至通州分兵剽昌平州名屬北直隸順天

縣東北平犯諸陵尋渡白河薄京師京軍饑疲不任戰守帝深居

宮中一切委之嚴嵩兵部尚書丁汝夔問計於嵩嵩曰塞

上敗可掩也失利輦下上無不知誰執其咎寇飽自颺去

耳汝夔因不敢戰且承嵩意戒諸將勿輕舉寇縱橫內地

凡八日所掠過望整輜重而去京師解嚴嵩誘罪汝夔殺

之

大同總兵官仇鸞嵩黨也諳達之入鸞以兵勤王帝拜為

大將軍節制諸路軍馬鸞恇怯不敢禦敵聞敵去尾之反

為所乘死傷數千人鸞收斬平民首數十級以捷聞帝以

為功加鸞太保使督京營戎政鸞密遣人持貨幣結諳達

義子托克托使貢馬互市而已與嵩主之遂開馬市於大

同宣府諳達寇掠益甚鸞漸驕蹇與嵩相惡三十一年帝

命鸞禦敵大同敗還而死禮部尚書徐階錦衣都督陸炳

盡發其罪帝大怒詔暴鸞罪戮其屍遂罷馬市

帝英察自信果於刑戮頗護己短以信方士侈符瑞故數

戮諫臣嵩窺帝之隱有忤己者則激帝怒誅竄之諳達犯

京師諭德趙貞吉主戰忤嵩意下獄廷杖謫荔波縣名屬廣西省

慶遠府河池州今貴州都勻府荔波縣東南典史刑部郎中徐學詩劾嵩奸惡

狀下詔獄削籍錦衣衛經歷沈鍊劾嵩及子世蕃十罪亦

謫佃保安衛名屬北直隸萬全司今直隸宣化府懷來縣西北境世蕃憾不已至屬

邊將誣殺鍊仇鸞既敗嵩益橫兵部員外郎楊繼盛劾嵩

十大罪五姦嵩激帝怒下詔獄杖之百繫三年以倭亂故

與張經等同斬於市

初倭人乘元季之亂常入寇太祖命湯和築瀕海城量地

遠近置衛所禦之又設市舶提舉司於甯波府名屬浙江省今浙江甯波

波俾領貢市故永樂以來海疆少事雖間有倭寇不為大

患至嘉靖初倭酋諸道爭貢鈔掠沿海郡縣夏言倡議廢

市舶嚴通番之禁姦人闌出財物與倭交易倚貴官勢家

為援負直不償倭人積憤始大肆侵掠朝議設浙江巡撫

兼統福建沿海諸府以都御史朱紈領之紈至嚴詰姦宄

疏陳內釁浙閩大姓構陷紈於是倭亂日熾

三十三年帝命南京兵部尚書張經總督軍務討倭明年

又遣嵩黨工部侍郎趙文華督視海防文華貪黷凶橫踰

藉大吏經獨輕之文華不悅經集諸道兵大破倭於王江

涇在浙江嘉興府秀水縣北斬首千餘級文華攘其功而劾經養寇失

機帝逮經及巡撫李天寵殺之已而倭寇益肆以數十人

自紹興轉掠杭嚴徽甯太平直犯南京出秣陵關在江甯府南

由溧陽縣名屬南直隸應天府宜興縣名屬南直隸常州府

興縣名屬南直隸常州府抵無錫縣名屬南直隸常州府趨潁墅關名在江蘇蘇州府長洲縣西

北轉鬪數千里殺傷數千人歷八十餘日始為應天巡撫

曹邦輔所殲而文華詭言倭寇平請還朝以胡宗憲代之

帝後知其奸免文華官戍其子於邊

倭之為寇恃姦民汪直徐海輩為謀主而江浙承平久士

不知兵以故賊蹤所至無不殘破自胡宗憲代趙文華設

計降徐海汪直誅之浙東漸平三十八年倭寇海門縣名屬南

直隸揚州府通州今江蘇海門廳沿海東掠至廟灣在江蘇淮安府山陽縣東北巡撫

都御史李遂督諸將擊破之焚其舟江北倭悉平其後總

兵官戚繼光俞大猷等復擊倭於福建倭大創而去東南

始無事

嚴嵩為相二十餘年賄結內侍揣摩帝意纖悉無不當故

帝倚畀之子世蕃尤奸黠嵩之票擬多出其手諸司白事

於嵩嵩輒曰以質東樓東樓世蕃別字也嵩耄而智昏帝

漸厭之而親徐階階在閣事嵩甚謹而陰擠之四十一年

御史鄒應龍劾世蕃專權納賄因及嵩溺愛惡子之罪帝

亦入方士藍道行言遂罷嵩下世蕃詔獄戍之邊侍郎魏

卷六

謙吉等坐姦黨黜謫有差世蕃未至戍所返怙惡縱肆不少衰四十四年復逮下獄伏誅籍其家嵩及諸孫皆爲民後二年嵩老病寄食墓舍以死

帝晚年益信道教分遣御史求方書左右詐爲仙桃靈芝龜鹿之瑞以獻帝輒大喜嚴嵩敗後袁煒嚴訥等俱以譔擬青詞入閣時號青詞宰相四十五年戶部主事海瑞上疏諫帝怒下之獄未幾帝餌方士藥得疾崩子裕王載屋立是爲穆宗罷齋醮黜方士召用建言得罪諸臣出海瑞於獄

第三篇 明下

第一章 張居正執政

穆宗之時閣臣徐階趙貞吉高拱張居正皆負人望居正尤有經世才隆慶二年上疏陳大本急務六事曰省議論振紀綱重詔令覈名實固邦本飭武備帝采其言下所司議行後戚繼光鎮薊州建敵臺立車營練衛兵威震諸邊海瑞巡撫應天諸府嚴懲貪墨勤恤民隱勢家奸猾望風改行大抵如居正旨嘉靖中錮弊至是一清然帝頗好游宴內供猥多嬖倖宦寺恣爲威福給事中石星尙寶司丞鄭履滄均以直諫黜爲民而拱居正率褊伎好傾軋階貞

吉不能安其位而去故朝政仍未臻上治惟諳達封貢邊患得少乂焉

嘉靖末諳達得叛人趙全邱富等為謀主益習邊事常糾

諸部入寇朝廷厭苦之諳達有孫曰巴噶柰濟舊作把漢那吉聘

鄂爾多斯舊作禡兒都司女為妻號三娘子諳達見其美奪之巴

噶志率其屬來歸三邊總督王崇古請厚遇之以示諳達

諳達急則令以趙全等來易因而撫納之高拱張居正主

其議詔授巴噶指揮使諳達遂執全等來獻且乞封請互

市五年詔封諳達為順義王其子弟皆授官有差套部濟

農等亦如約請命詔均授官後三娘子迭配五王主兵柄

為中國守邊保塞得封忠順夫人河套之患遂除

穆宗在位六年崩太子翊鈞立是為神宗高拱張居正及

大學士高儀同受遺詔輔政司禮監太監馮保干政拱欲

逐之居正與保比反逐拱儀尋卒帝遂專任居正萬厯元

年有男子王大臣偽為內侍服入乾清宮被獲下東廠保

欲藉以陷拱俾言拱主使謀逆舉朝洶洶多為拱解大臣

吐實伏誅拱得免

居正執政務尊主權課吏實信賞罰一號令舉凌雲翼平

徭薦潘季馴治河任李成梁擊土蠻所在有功威行萬里

又請節浮費汰冗員減均徭加派免逋賦二百餘萬有奇

而是時帑藏充盈國最完富中外熙熙有治平之象然居正倚馮保為援植黨固位頗讎視言路世以是少之

萬厯四年巡按御史劉臺劾居正引閣臣張四維等為黨專擅威福罔上營私居正具疏辭政泣訴於帝帝為逮臺下獄除名為民已而居正丁父憂諷朝臣請奪情留之編修吳中行檢討趙用賢等劾居正貪位忘親居正怒謀於保杖中行用賢等謫戍有差居正歸葬父帝勅閣臣呂調陽等有大事勿專決馳白居正聽其處分居正還朝帝眷遇益厚賜劄稱元輔或稱先生而不名廷臣亦唯阿趨奉無敢忤者十年居正有疾百官並為之齋醮祈禱及居正卒馮保有罪安置南京於是彈擊居正者紛起十二年詔籍居正家追削其官子弟均戍邊

第二章 萬厯中兵事 附礦稅

張居正死後閣臣申時行許國王家屏等碌碌無所短長神宗怠於政事深居不出海內薦饑災異數見一不之省朵顏酋長昂巴圖爾 舊作巴土兒 青海酋浩爾齊 舊作火落赤 永什 舊作永邵卜 等相率寇邊用兵無虛歲邊將戚繼光李成梁皆以失內援或徙或罷及朝鮮之役起國用遂大耗焉朝鮮自開國以來世奉朝貢而常為倭寇侵掠至萬厯中其王李昫沈湎於酒國政廢弛日本關白平秀吉窺其無

備遣舟師攻之自對馬島偏釜山鎮在朝鮮東萊縣南濱大海分三路

進連陷豐德屬京畿道諸郡昞棄王城奔平壤令次子琿攝國

事已復走義州在平壤西北屬平安道遣使乞援倭兵遂入王京劫

王子陪臣掠府庫八道幾盡沒旦暮渡鴨綠江詔遣總兵

祖承訓往援與倭戰於平壤大敗承訓僅以身免時萬厯

二十年也

先是甯夏都指揮巴拜舊作倅聚眾作亂陷甘肅諸州郡帝

命李成梁子如松討之巴拜倚套虜卓哩克圖舊作著力兔為

援如松先敗卓哩克圖於賀蘭山尋下甯夏城巴拜自縊

死俘其子承恩等帝以如松充防海禦倭總兵官移師救

朝鮮如松至平壤設計敗倭兵倭酋行長渡大同江在朝鮮黃

海道遁如松乘勝復黃海平安京畿江源四道進趨碧蹠

館在朝鮮王城西猝遇倭兵圍之數重官軍大敗退駐開城在朝鮮黃

海道既倭以糧盡棄王京走如松引還

倭兵之入朝鮮也兵部尚書石星密遣嘉興人沈惟敬詣

倭營議款如松出師款議中輟及如松還星復倡封貢議

倭亦遣使來朝二十四年帝遣都指揮楊方亨等封平秀

吉為日本王秀吉不受復攻朝鮮明年帝以邢玠為薊遼

總督麻貴為備倭大將軍楊鎬為僉都御史經略朝鮮軍

事逮星惟敬下獄論死鎬抵王京會師攻倭於蔚山郡名在慶

州西在蔚山郡城南敗之進攻島山為倭所敗已而倭兵大集鎬

狼狽奔還二十六年平秀吉死羣倭解體爭先歸國麻貴

等追擊敗之朝鮮始平

當是時朝廷注全力於朝鮮播州今貴州遵義府遵義縣西宣慰使楊

應龍乘閒糾諸苗反蔓延貴州四川各地寢及湖廣二十

七年帝命李化龍總督川湖貴州軍務調東征諸將麻貴

劉綎討之應龍乘大兵未集攻破綦江縣屬四川省重慶府今四川重慶

府綦江縣龍泉司今貴州石阡府龍泉縣遠近大震明年化龍會師重慶

分八路進討劉綎首復綦江直攻海龍固在貴州遵義府城北為應龍穴

壘他將亦次第集攻圍數月固破應龍自縊死化龍露布

以聞詔磔應龍屍誅其弟兆龍子朝棟等

帝以累歲用兵國用不給又值乾清坤甯兩宮奉天謹身

華蓋三殿災銳欲斂財營建於是遣中官四出開礦又設

各省稅使有天津店租廣州珠監兩淮餘鹽浙江福建廣

東市舶成都茶鹽重慶名木長江船稅等使廣立名目婪

索無厭中官奉使者魚肉吏民所至騷擾湖廣江西山東

同時民變擊稅使幾釀大亂廷臣疏諫皆不報三十一年

帝有疾召大學士沈一貫草詔除弊政撤礦稅中使詔具

未行帝已瘳遂寢前命至三十三年以大學士沈鯉言始

罷開礦以稅務歸有司而中使仍留不撤其害遂終帝世

初滿洲有蘇克素護河在京境興部酋尼堪外蘭與古喀城

主阿泰有隙結李成梁攻之我

大清

景祖翼皇帝

顯祖宣皇帝助阿泰守城城破為成梁所害

太祖高皇帝憤之以萬厯十一年起兵征尼堪外蘭克圖倫城尼

堪外蘭遁入邊

太祖遣使來索邊吏與之遂斬尼堪外蘭而歸自是歲輸銀幣通

和好焉

越二年書七大恨告天大舉伐明率步騎二萬攻撫順關名

遼震動神宗起楊鎬為遼東經略加天下田賦八百餘萬

餉軍四十七年鎬帥師出塞命總兵官馬林杜松李如柏

劉綎分四道進攻松欲立首功先渡渾河在京東興與

大清兵戰於吉林崖在京西北興敗沒林出三岔口在奉天府海城縣

兵敗遁去如柏綎均敗於

大清兵力戰而死事聞詔逮鎬下獄論死以熊廷弼代之

廷弼未出京

大清兵已克開原即三萬衛馬林敗沒甫出關鐵嶺衛名今奉天府鐵嶺

縣復失廷弼兼程進誅失律將士督軍士造戰車治火器

濬濠繕城爲守禦計法嚴令行邊備大固時遼事雖棘帝
偷惰如故戰守方略漫不加察廷臣伏文華門固請帝視
朝發章奏不報會

大清兵伐朝鮮遼左得少息肩

第三章 黨禍及閹禍

明室之亡由於黨禍及閹禍而其端皆自神宗昏闇乾綱
不振內惑嬖倖外仇言路階之初帝幸恭妃王氏生子常
洛以王皇后無子常洛序當立而帝寵鄭貴妃欲立其子
常洵言者窺帝意爭請立長帝惡而忌之遂久不建儲閣
臣申時行等阿帝旨請禁言者諸臣益譁然指斥宮闈攻

擊執政帝厭其說章奏皆留中不下於是廷臣日事攻訐
門戶之禍大起

萬厯二十一年帝諭閣臣王錫爵欲並封諸子爲王以待
嫡子錫爵擬旨進吏部員外郎顧憲成率同官上疏力爭
又遣書錫爵反覆辨論議遂寢是年大計京朝官吏部尙
書孫鑰與考功郎中趙南星力杜請託忤錫爵意南星坐
貶鑰乞休憲成素與南星善疏請同坐不報明年憲成遷
郎中錫爵將謝政廷推代者憲成舉王家屏家屏故以主
建儲之說失帝意罷歸故帝怒削憲成籍

憲成無錫人天姿剛直篤志聖學旣廢而名益高里故有

東林書院爲宋楊時講道處憲成與弟允成倡脩之偕同志高攀龍錢一本等講學其中憲成嘗曰官輦轂志不在君父官封疆志不在民生居水邊林下志不在世道君子無取焉故講習之餘往往諷議時政裁量人物朝士慕之亦遙相應和由是東林名大著而忌者亦多其後鄒元標趙南星相繼講學自負氣節與政府相抗時與憲成並稱爲三君

並封議罷皇長子旋出閣就學三十年帝從沈一貫請立皇長子爲太子封常洵爲福王諸子常浩常潤等並封爲王明年大學士朱賡於寓門獲妖書其詞假鄭福成爲問答大略言帝立東宮出於不得已他日必當更易鄭福成者謂鄭氏子福王當成也其用朱賡爲內閣者以賡更同音寓更易之意也一貫以事銜侍郎郭正域又惡沈鯉相偏欲因是傾之先後逮捕正域僕從雜治之無所得遂歸獄於生員皦生光殺之正域鯉得免

三十四年一貫鯉並罷葉向高入閣向高東林黨也越二年朱賡卒內閣乏人廷議欲召用鳳陽巡撫李三才三才亦善於東林忌者爭劾之顧憲成貽書向高及吏部尚書孫丕揚盛稱三才廉直言者益集矢於三才三才投劾去是時廷臣各分朋黨有宣崑齊楚浙諸派祭酒湯賓尹諭

德顧天垓等爲之魁並以攻東林排異己爲事會丕揚司
京察劾賓尹等降黜有差其黨大憤益事攻擊丕揚尋罷
趙煥代之與諸黨共攻東林旣而憲成丕揚相繼卒向高
求去方從哲入閣而三案之爭起

四十三年有男子張差持梃入慈慶宮擊傷守門內侍太
子執以聞帝命法司嚴訊刑部郎中胡士相以風癲定讞
提牢主事王之案私詰差得其情語侍郎張問達問達令
十三司會鞫具得內監龐保劉成主使狀保成皆隸鄭妃
宮中外籍籍疑妃與其弟國泰謀危太子帝亦心動妃窘
自乞哀於太子太子以事連宮禁大懼請速具獄毋株連

帝乃御慈甯宮命太子及三皇孫侍召方從哲等入見極
言我父子慈孝以釋羣疑遂磔差於市掠死成保於禁中
神宗在位四十八年崩太子立是爲光宗改元泰昌鄭貴
妃進珠玉美姬於帝帝惑之得疾中官崔文昇進洩藥益
劇給事中楊漣劾文昇用藥無狀請帝慎起居帝疾甚召
閣臣方從哲韓爌等入受顧命並及漣從哲稱鴻臚寺丞
李可灼有紅丸自云仙方擬進於帝帝趣和藥進服訖體
稍舒諸臣退帝又命進一丸明日帝崩從哲擬遺旨賚可
灼銀幣

光宗寵選侍李氏嘗欲冊爲后不果選侍乘帝崩據乾清

宮與心腹閣魏進忠謀挾皇長子由校自重楊漣自以曾受顧命趣閣部大臣擁立皇長子御史左光斗首抗疏請勅選侍移宮皇長子善之趣選侍擇日移宮方從哲顧欲緩之楊漣復疏爭選侍不得已移居噉鸞宮皇長子卽位是爲熹宗

世稱梃擊紅丸移宮爲三案凡力爭三案者皆賢士大夫與東林相應而非東林黨者務反其說爲排擊正人計未幾方從哲爲言者劾罷葉向高復相趙南星高攀龍等相繼起用鄒元標馮從吾倡建首善書院於京師聚徒講學廷臣靡然從風東林之勢大振會魏忠賢竊政罷元標

等引其黨顧秉謙魏廣微等入閣而縉紳之禍始作

忠賢卽魏進忠與帝乳母客氏私因有寵於帝帝初卽位卽賜忠賢世廕封客氏爲奉聖夫人忠賢忌司禮太監王安忠直矯詔殺之勸帝選武闈鍊火器日引帝爲倡優聲伎狗馬射獵遂得弄權肆惡又慮妃嬪白其罪矯旨賜光宗選侍趙氏自盡幽裕妃張氏於別宮殺之皇后數於帝前刺客魏過失后有娠客氏以計墮之帝用此之嗣忠賢旣掌司禮監復提督東廠車馬儀衛僭擬乘輿以田爾耕許顯純爲爪牙羅織細故恣行傾陷士大夫無不惡之天啟四年楊漣劾忠賢二亦陷大罪奉嚴旨切責工部郎

中萬燦繼論之忠賢矯旨杖殺燦葉向高見時事不可爲
遂乞歸尋罷趙南星高攀龍削漣及左光斗籍由是天下
大權一歸於忠賢顧秉謙魏廣微及其黨王紹徽崔呈秀
等編東林諸人姓名以授忠賢目爲邪黨欲假三案文致
其罪重脩光宗實錄痛詆王之案及漣光斗等已又以三
案不足殺諸賢復假熊廷弼事殺之

初廷弼望吏議罷袁應泰代爲經略天啟元年我

大清兵取瀋陽

衛名今奉天
奉天府

遼陽

衛名今奉天
府遼陽縣

應泰死之帝起

用廷弼廷弼建三方布置策廣甯用步騎天津登萊用舟
師以圖遼左設經略於山海關節制三方帝從之而廣甯

巡撫王化貞貪功輕戰與廷弼議不協二年我

大清兵取西平堡

在奉天府
遼河西

遂克廣甯化貞與廷弼走入

關廷議逮二人下獄論死以大學士孫承宗經略遼薊至
是忠賢遂誣諸賢受廷弼賊矯詔逮之

五年漣光斗及給事中魏大中御史袁化中太僕少卿周
朝瑞陝西副使顧大章先後逮下鎮撫司獄趙南星李三
才亦坐賊削籍許顯純承訊漣等非刑拷掠血肉狼籍漣
等誣服忠賢令獄卒潛斃之時稱六人爲六君子廷弼尋
亦棄市傳首九邊化貞竟不誅孫承宗聞其事疏請入朝
面奏機宜欲因是論忠賢罪雪諸賢冤忠賢大懼使其黨

劾罷承宗以兵部尚書高第代之
忠賢既殺六君子遂勝東林黨人姓名示天下作三朝要
典暴揚爭三案諸臣罪狀六年復矯詔逮高攀龍及前吏
部員外郎周順昌蘇松巡撫周起元諭德繆昌期御史黃
尊素等攀龍投水死順昌等逮至均榜掠死獄中中外臣
工畏忠賢毒燄競思媚之奏建生祠儀視帝者章奏皆稱
廠臣而不名尋以修三殿成進忠賢爵上公從子從孫並
賜勳爵闈宦之肆惡至是極矣

熹宗在位七年崩遺詔立弟信王由檢是爲莊烈帝帝素
稔忠賢惡甫卽位卽罷崔呈秀嘉興貢生錢嘉徵疏陳忠
賢十大罪帝遂放忠賢於鳳陽勝其罪示天下忠賢自縊
死詔戮其屍客氏及其家屬無少長俱伏誅崇禎元年詔
恤冤陷諸臣贈諡賜廕有差毀三朝要典盡斥闈黨二年
定逆案以六等定罪凡贊導詔附忠賢之徒悉列名誅譴
無脫者

第四章 莊烈帝失國

莊烈帝承神熹衰替之後勵精圖治嚴懲逆黨收召老臣
卽位之初朝局一振然以懲朋黨之弊期得孤立無與者
任之賢姦雜進靡所適從既見廷臣競門戶不足倚復委
任宦官專制兵柄封疆日蹙流賊蔓延徵兵加賦民力不

支閣臣如温體仁周延儒輩皆庸懦無能為帝雖憂勤惕厲固不能運獨智而延短祚也

天啟末高第王之臣袁崇煥更代督師於遼帝以崇煥有

將略專任之崇煥期以五年復全遼帝賜之尚方劍許便

宜行事崇煥莅鎮遣使請和為緩師計又誘斬總兵官毛

文龍文龍故驕悍然素有功世以是議崇煥崇禎二年我

大清兵下遵化縣名屬北直隸順天府順義縣名屬北直

平州今直隸順天府進薄京城帝起孫承宗為兵部尚書視師

通州詔天下鎮巡官勤王崇煥及總兵官滿桂入援

大清設閒去崇煥桂戰沒承宗阻於

大兵不得前京師岌岌三年

大清遺書議和取道冷口關名在直隸永平府遷安縣東北而歸廷臣交

章劾崇煥擅殺賣國詔磔崇煥籍其家

萬厯以來遼左被兵天下囂然煩費四川永甯今四川敘永廳永甯

縣土司奢崇明貴州水西今貴州大定府黔西州土司安邦彥山東

妖賊徐鴻儒等乘閒竊發已肇流賊之勢幸即剿滅未震

動全局崇禎初邊事益棘各省旱蝗相屬陝西府谷縣名屬延

安府葭州今陝西榆林府府谷縣人王嘉允安塞縣名屬陝西延安府今

人高迎祥等嘯聚饑民剽掠郡縣三邊總督楊鶴不能制

遣使撫賊賊倏降倏叛遂蔓延山陝二省延安府名屬陝西省今陝

西延安府人張獻忠聚眾據十八寨自稱八大王米脂縣名屬陝西省

延安府今陝西綏德州米脂縣人李自成亦聚眾依迎祥號闖將既嘉允

為左右所殺惟迎祥與張李最强羣賊屬聚私立名號眾

至數十萬帝逮鶴下獄論死以洪承疇代之承疇督總兵

官曹文詔連破賊於山陝賊自山西竄兩河遂犯湖廣窺

四川

七年帝以延綏巡撫陳奇瑜總督河南山陝川湖軍務專

討流賊奇瑜與賊十餘戰毆高迎祥李自成人興安州屬陝

西省今陝西興安府安康縣之車箱峽將盡殲之連雨四旬賊糧盡乞

降奇瑜納其貨縱賊出峽賊復自陝西出犯河南詔逮奇

瑜下獄謫戍命洪承疇出關討賊八年迎祥獻忠及老猓

猓過天星等十三家七十二營會議於滎陽用自成計分

道拒官兵剽掠東方尋陷鳳陽焚皇陵復西入陝曹文詔

戰死賊勢大熾承疇力不能制帝復以盧象昇總理江北

河南山東湖廣四川軍務與承疇分任討賊之事承疇象

昇屢敗賊兵陝西巡撫孫傳庭復禽斬迎祥羣賊奪氣乃

共推自成為闖王

十年帝以楊嗣昌熊文燦為兵部尚書嗣昌議大舉討賊

分官軍為四正六隅力籌增兵措餉之策文燦奉詔督師

獨主招撫刊檄懸通都諭賊時獻忠犯安徽湖廣各地屢

為總兵官左良玉劉良佐等所敗遂降於文燦自成自陝西入蜀為洪承疇所敗尋又敗於潼關妻女俱失從十八騎遁入商洛即今陝西商州於是關中賊略盡惟羅汝才等十餘部往來豫楚亦為孫傳庭擊敗未幾承疇傳庭入衛文燦撫事中變而明室不可為矣

當流賊肆擾時我

大清兵圍大凌城

在盛京大凌河畔

取旅順

在盛京金州西南

凡再入塞

克山西畿內諸州縣皆不久即班師十一年

大清兵復入塞直逼良鄉

縣名屬北直隸順天府良鄉縣今直隸順天府良鄉縣

連下畿

輔城四十有八又自德州渡河下山東州縣十有六帝詔

盧象昇督兵勤王象昇主戰而楊嗣昌與總監軍中官高起潛主和議不合事多掣肘象昇與

大清兵戰於鉅鹿敗歿帝召承疇總督薊遼軍務傳庭總

督保定山東河北軍務傳庭忤嗣昌意坐逮下獄

大清兵尋東歸

十二年張獻忠叛於穀城

縣名屬湖廣省襄陽府今湖北襄陽府穀城縣

攻陷房

縣屬湖廣省鄖陽府今湖北鄖陽府房縣

左良玉與戰大敗詔逮熊文燦下

獄命楊嗣昌督師討賊嗣昌請拜良玉平賊將軍專討獻

忠十三年良玉追獻忠入蜀大破之於太平縣

屬四川省夔州府達

州今四川綏定府太平縣

之瑪瑙山斬獲賊渠殆盡獻忠隻身遁勢大

歷代史略卷六
五
蹙既良玉憾嗣昌養寇自重獻忠復出與羅汝才合李自成亦自四川出犯河南十四年自成陷河南府殺福王常洵獻忠陷襄陽殺襄王翊銘嗣昌聞報憂懼不食死自成尋陷南陽殺唐王聿鎮進攻開封帝起孫傳庭督師援開封傳庭治兵關中未及赴援自成已決黃河灌開封城陷之

流賊之起初無遠圖所得城邑輒焚燬棄去至是官軍屢敗名都大邑相繼失守愚民附賊者眾賊遂思僭大號十六年李自成陷承天府名屬湖廣省今湖北安陸府鍾祥縣僭號新順王以

襄陽爲襄京張獻忠亦陷武昌僭號西王改武昌爲天授

府左良玉復武昌獻忠走四川自成寇潼關孫傳庭死之

自成遂取西安僭稱王國號順改元永昌尋陷太原攻甯

武關屬山西大同府今山西甯武府總兵官周遇吉力戰死之賊遂長驅

而東下大同宣府從居庸關入守將及監軍太監均降於

賊賊偪京師太監曹化淳啟彰義門納賊入帝命后妃自

盡自登煤山書衣襟爲遺詔投繯而崩自成入宮以柳棺

盛帝屍出大學士范景文尚書倪元璐等殉難者二百餘

人

先是我

大清兵圍錦州屬廣甯衛今盛京錦州府洪承疇調馬科吳三桂等八

大將兵十三萬援錦州進次松山在錦州府錦縣南與

大清兵戰皆敗潰承疇堅守松山至十五年

大清兵克松山承疇降遂下錦州帝密遣使請和廷臣議不協遂寢其事

大清兵入薊州連下畿南山東州縣凡攻克八十八城周延儒自請督師無功而還為言官所糾賜死至是京師陷吳三桂乞降於我

大請求共討賊自成已出山海關與三桂戰

大清兵助三桂擊破之自成走京師僭帝號尋焚宮殿挾太子二王西走

大清兵定京師改葬帝后加諡如禮

自成自山西奔陝西與獻忠相攻兵勢日蹙獻忠陷成都據有全蜀僭號大西國王偽稱大順元年屠戮蜀民幾無噍類我

世祖章皇帝順治二年

大兵下陝西自成走湖廣

大兵兩道追躡賊眾多乞降或逃潰自成自武昌走通城今湖北武昌府通城縣率二十騎略食於九宮山為村民所困自縊

而死獻忠以蜀中民盡謀窺西安順治三年獻忠率眾出走至鹽亭今四川潼川府鹽亭縣界猝遇

大兵於鳳凰坡中矢墜馬蒲伏積薪下
大兵禽獻忠斬之其黨皆潰走流賊始平

第五章 福王及諸藩之亡

福王常洵既死於流賊其子由崧襲封避亂居淮安京師
失守兵部尚書史可法迎王至南京稱監國尋卽帝位改
元宏光以可法及鳳陽總督馬士英等爲大學士命可法
督師江北分淮揚鳳廬爲四鎮以總兵官黃得功劉良佐
劉澤清高傑領之王性闇弱湛於酒色聲伎委任士英及
兵部侍郎阮大鍼大鍼故闖黨名挂逆案及柄用不以國
事爲意徒讎視正人圖報私憾以可法志在恢復數譖毀

之四鎮中傑澤清最悍不相能常引兵私鬪可法兩解之
不能正其罪以是卒無成功

王遣兵部侍郎左懋第等求成於我

大清

大清不許我睿親王多爾袞致書史可法使勸王歸順可
法答書不從

大兵遂下山東河南之地可法帥師進次清江浦在江蘇
淮安府

西與

大兵相持順治二年明總兵官許定國誘殺高傑於睢州
今河南歸
德府睢州可法兵益單會有自稱太子慈煇及王妃者王

命下獄治之諸鎮不服左良玉自武昌舉兵東下以入清君側保全東宮爲名可法還師入援良玉至九江病死可法復北上救盱眙

今安徽泗州盱眙縣

不及退守揚州城陷而死

大兵渡江劉澤清劉良佐皆降王出奔太平

大兵遂定南京追王至蕪湖

今安徽太平府蕪湖縣

執之黃得功戰

死明自太祖建元至是凡十七世二百七十九年而亡

唐王聿鍵以崇禎九年起兵勤王錮於高牆福王建國釋之南都破王奔杭州總兵鄭鴻逵戶部主事蘇觀生等奉之人閩依南安伯鄭芝龍芝龍故海盜啟禎閒數寇福建廷議撫之使討賊贖罪積功至總兵鴻逵其弟也王至閩

議稱監國諸臣勸進遂稱帝於福州

今福建福州府

改年隆武以

故禮部尙書黃道周爲大學士進芝龍鴻逵侯爵道周建議恢復以兵出江西然政在鄭氏不能有所爲芝龍尋輸款於我

朝王虛擁位號而已

當是時故明魯王以海益王由本永甯王慈炎靖江王亨嘉舉兵於江浙廣東各地競稱監國臣民舉兵守城不下者所在多有然皆旋起旋滅無能抗拒

大兵者黃道周至婺源

今安徽徽州府婺源縣

兵敗被執至江甯

即

南不
京 不屈死順治三年

大清兵克紹興魯王遁入海閩中大震鄭芝龍盡撤防兵不為守禦計

大兵遂由衢州渡仙霞嶺在浙江衢江府江山縣南入閩唐王奔汀州

今福建汀州府

大兵追獲之芝龍奉表降其子成功與鄭鴻達鄭彩叛入

海奉魯王居南澳在福建廈門西南海中

唐王既亡其臣蘇觀生等以其弟聿錫稱號於廣州今廣東

州改年紹武兵部尚書丁魁楚侍郎瞿式耜等擁立桂王

常瀛子由榔於肇慶今廣東肇慶府改年永曆遣兵攻聿錫不克

大兵下廣州聿錫及觀生均自縊死桂王亦奔梧州今廣西梧州

州順治四年

大兵克肇慶王奔桂林今廣西桂林府又走武岡今湖南寶慶府武岡州柳

州今廣西柳州府羣臣跋扈脅迫王不能制會

大兵東還王乃返桂林

唐王建號時使總督何騰蛟守湖南

大兵既克湖南騰蛟與督餉侍郎嚴起恆同奔桂林王以

起恆為大學士騰蛟仍出督師順治五年江西降將金聲

桓李成棟叛應王明兵勢復振王進駐肇慶騰蛟遂陷湖

南州縣明年

大兵下湘潭今湖南長沙府湘潭縣騰蛟死之

大兵旋克南昌誅聲桓復至信豐今江西贛州府信豐縣敗成棟軍

成棟投水死順治七年

大兵克韶州今廣東韶州府王奔梧州

大兵旋下廣州克桂林瞿式耜死之王大懼遂奔南甯今廣西南甯府

西南甯府

先是魯王在海上謀復故土數以舟師犯閩浙沿海各地

已而偏於鄭彩徙居琅琦島在福建虎門外海中

大兵克興化城今福建興化府盡復所陷州縣彩見事勢窮蹙棄

王去其臣張名振阮進等奉王居南田在浙江台州府甯海縣東海中尋

入舟山今浙江省定海廳治至是

大兵攻舟山王遣進拒戰敗沒名振等奉王航海走依鄭

成功成功居之金門今福建泉州府同安縣金門鎮王自去監國號奉表

於桂王久之名振亦卒成功事王日懈王積不能平將往

南澳成功使人沈之海中

張獻忠之亡也其黨孫可望李定國等潰走四川復陷貴

州人雲南求封於桂王嚴起恆持不可王既奔南甯可望

遣使迎之遂殺起恆王不得已封可望為秦王順治九年

可望劫王遷之於安隆所改為安龍府今廣西西隆州遣定國陷

湖南廣西廣東各地王惡可望之偏密諭定國來迎可望

偵知之殺其大學士吳貞毓等數人順治十三年定國至

安隆奉王走雲南可望與定國戰大敗挈妻子降於我

朝順治十五年

大兵三路入雲南王走永昌

今雲南永昌府

騰越遂入緬甸定國

攻緬索之不得順治十八年吳三桂與

大清定西將軍愛星阿等帥師征緬緬人送王出王死於

雲南定國亦走死明裔至是盡矣

第四篇

東南諸國事略

第一章 朝鮮

高麗王氏有國四百餘年交通中國視前代益繁宋太祖時王建之子昭在位遣使朝貢太祖優詔答之自是高麗奉宋正朔且慕宋文物常遣臣庶就學求書遼聖宗怒高麗不恭五興師伐之高麗遂服屬於遼與宋絕使聘者四十餘年熙甯中王徽嗣位治尙仁恕慕嚮中國兼事宋遼使聘不絕六傳至王楷值金滅遼復以事遼舊禮稱臣於金宋室南渡有請假道高麗以伐金者高宗使往諭楷楷難之隆興以後交通乃絕

蒙古滅金高麗王暉復臣於蒙古設達嚕噶齊監治其國暉再傳至堪元世祖以皇女妻之堪子諤復尙布達實哩舊作寶塔實憐公主故高麗直隸於元奉命惟謹順帝二皇后奇氏高麗人也其宗族在高麗者恃寵驕橫國王巴延特穆爾舊作伯顏帖木兒誅之后讒巴延特穆爾於帝欲廢之而立其昆弟在京師者塔斯特穆爾舊作塔思帖木兒為王至正二十二年以兵萬人送塔斯特穆爾之國至鴨綠江為高麗兵所拒敗還於是高麗與元絕而元室亦蹶衰矣

明興高麗王顥來貢太祖降勅封之洪武七年顥之相李仁任弒顥立僧辛朮之子禍帝遣使責問禍累表貢獻且

乞封帝遂封禍為王而索鐵嶺在江原咸鏡兩道間非奉天之鐵嶺也以北

之地禍以鐵嶺為其世封不予其臣崔瑩勸禍叛明攻遼

東守門下侍中李成桂力諫不聽二十一年禍使瑩成桂

將兵三萬進次威化島在鴨綠江中值大雨士卒怨潰成桂乃

還師圍王城殺瑩放禍於江華島

成桂立禍子昌遣使於明稱禍遜位於子禍憤甚謀殺成

桂事敗成桂復廢昌而立王氏裔孫定昌國院君瑤是時

辛王二氏更代朝臣分黨互相傾軋成桂專其國兵柄王

氏之黨爭欲去之二十四年成桂自立為王放王瑤於原

州屬江原道高麗於是遂亡明年成桂遣使來告且請改國號

帝命仍古號曰朝鮮

成桂在位七年傳位於子芳果芳果立二年復遜位於弟芳遠芳遠獎厲文學殫心國政以永樂二十年卒子禔嗣立益注意於文治廣聚經籍擢用儒素開諺文局於宮中命其臣鄭麟趾申叔舟成三問等制字母二十八字以初中終三聲相合而成字朝鮮至今遵用之禔再傳至弘曄年幼委政臣下其叔首陽大君瑀逼弘曄禪位於己尋放之於甯越屬江原道封爲魯山君未幾復殺之

初朝鮮北邊與建州毛憐野人

即今吉林盛京境

諸衛接壤野人

嘗侵遼東敗潰逃入朝鮮朝鮮悉捕獲送致明野人以是

恨之宣德八年建州長李滿住率兵攻朝鮮朝鮮敗之尋與媾和至瑀在位時又誘殺毛憐衛都督郎卜兒哈野人復侵掠朝鮮成化三年李滿住叛明明使朝鮮出師夾擊瑀遣其將康純魚有沼等渡鴨綠江攻破九獬府諸寨斬滿住及其子古納哈打肥刺獻俘於明憲宗厚賚之

瑀三傳至愷昏憤凶暴刑戮大臣無算其臣成希顏等廢愷爲燕山君而立其弟晉城大君懌懌卒子皓暵代立事明甚謹而國事日壞廷臣結黨相擠賢者誅竄殆盡建州人掠其邊境無能禦者皓卒子昞嗣野人尼湯介大舉攻之昞使鄭彥信等領國之兵往禦始大破尼湯介追奔至

豆滿江

卽今圖們江

掩擊其部落而還

萬厯十七年平秀吉貽書朝鮮假道伐明朝鮮諸臣分東西兩黨互議迎拒不決至二十年秀吉怒朝鮮不奉令遂使其將小西行長加藤清正黑田長政等分三路攻朝鮮連敗其兵殺大將申砬砬故驍勇國人恃以爲重及砬死諸道望風瓦解倭兵入王城擒王子臨海君肆順和君玠勢張甚全羅慶尙二道水使李舜臣元均等以龜船擊倭船於巨濟洋在慶尙道泗川郡南倭兵大敗諸郡縣復多起兵拒倭者倭稍稍戢明廷再出師援朝鮮相持數年倭亦不能得志而去

昞在位四十一年卒次子光海君瑄立萬厯四十四年我大清兵伐明明徵兵於朝鮮瑄令其臣姜弘立金景瑞等率師應之明兵敗弘立景瑞皆降於

大清時明以瑄越兄肆而自立且疑其貳於

大清不冊封瑄瑄惡肆而殺之復誅其弟曦囚曦母金氏屢興大獄屠戮忠直大將金瑬起兵廢瑄以金氏之命立瑄兄子倅時熹宗天啟三年也

七年我

大清兵襲明將毛文龍於皮島

一名東江在登萊海中

並攻朝鮮連

下義州平壤黃州

屬黃海道

諸郡倅率士民遁於江華島

大清兵次王城遣使諭侗侗輸款遂班師已而侗渝盟復欲事明十年我

太宗文皇帝親征朝鮮直逼王都侗徒妻子於江華自遁

於南漢山城屬京畿道廣州府遣使赴明告急明遣總兵陳洪範

調舟師赴援洪範遷延不出

大兵尋下江華侗大懼乞降以世子滢及鳳林君湜為質朝鮮自是與明絕

第二章 日本

日本自罷遣唐使與中國之好中絕而其國魁柄下移亦非復唐時之盛初唐懿宗時其王惟仁冲年嗣位大政大

臣藤原良房以外戚攝政相門自是專權惟仁三傳至定省委政於良房子基經號為關白藤原氏遂世居關白之職國之政刑一出於關白國王虛擁位號而已

宋太宗時有僧裔然自日本來朝居四年而去其後彼國僧徒相繼來華數有貢獻惟未嘗遣國使南宋時藤原氏益橫擁立五主禍亂踵起外戚平清盛大臣源賴朝合力以攻藤原氏已復互相猜忌勢不並立淳熙中賴朝盡滅平氏開幕府於鎌倉郡名屬東海道相模國今神奈川縣稱征夷大將軍大權遂歸源氏藤原氏雖更為關白攝政而其進退無與國事嘉定初源實朝為將軍嘗勸其王守成朝貢於宋會源

氏爲其戚北條氏所傾不果行

守成七傳至恆仁值元世祖盡平諸國遣使至日本脅之朝貢時北條時宗專政執不可元兵攻之無功而還恆仁在位十五年禪位於子世仁元復大舉伐之恆仁大恐禱

於伊勢

國名今畿內三重縣

神宮祈以身代國難又敕諸僧脩熾盛

光法以禳兵禍舉國洵懼幾將瓦解既元軍遭颶風不戰自敗國事乃定元成宗嘗遣僧一山齋詔至鎌倉諭令通好亦不報

世仁五傳至尊治欲滅北條氏北條高時舉兵反攻逐尊治新田義貞起兵勤王高時將足利高氏亦歸順遂攻破

鎌倉滅北條氏尊治嘉高氏功賜名尊氏既義貞與尊氏

相惡尊氏發兵攻國都逐尊治立其從子豐仁親王義貞

戰死尊治逃之吉野

川名屬南海道阿波國今高知縣

遂分南北兩朝北

朝勢強居國都而傳國神器在南朝世仍以南朝爲正統北朝傳五主南朝傳三主互相攻伐迭有勝負至明洪武中尊治孫熙成與北朝媾和授神器於豐仁曾孫幹仁於是國統復歸於一而足利氏世爲大將軍專其國政

南北朝之亂雖與中國絕不通問而沿海商民往往潛通市易盜賊乘閒入我內地劫掠所謂倭寇是也明太祖初卽位卽遣使諭日本禁戢海盜奉表來庭北朝不報已又

遣萊州府同知趙秩及僧祖闡克勤等相繼往諭皆未得其要領胡惟庸之謀逆也日本遣使獻巨燭中藏火藥刀劍欲爲惟庸外應事覺帝命錮其人於雲南由是惡日本特甚著祖訓列不庭之國十五日本與焉

建文時足利道義兩遣使上書故中國誤以道義爲其國王成祖嘗降敕褒之又諭令捕送倭寇道義子義持捕送三十餘人且修貢獻帝嘉其恭順賞賚有加還其人使自治之使者還至甯波置大甌烝殺諸寇永樂十三年頒勘合於日本限十年一貢使臣限二百員船止二艘禁挾帶刀槍十五年道義死義持遣使告喪帝遣中官致賻賜諡

又遣官冊義持爲日本國王已而義持不樂臣貢遣僧等持來告絕好終義持之世遂不通訊

宣德中義持子義教襲職遣使來貢宣宗賜之永樂錢三十萬自後義勝義政義熙義植等相繼爲將軍稱臣奉正朔世以爲常嘉靖二年義植之臣大內義興遣僧宗設來貢管領畠山高國亦遣僧瑞佐宋素卿來市易先後至甯波爭宴席坐遂互鬪宗設殺瑞佐大掠而去有司執素卿下之獄尋殺之十八年義植子義晴爲將軍復請脩貢賜新勘合廷議不許未幾足利氏衰其國內亂羣雄割據莫相統一不逞之徒出沒海上爲中國患者垂數十年

平秀吉者織田信長之將也信長當足利氏之衰廢將軍義昭而代之使秀吉削平羣雄更定法制國賴以安已而爲其下明智光秀所殺秀吉爲信長復讎誅光秀遂自請爲關白其王周仁賜姓爲豐臣氏萬厯中秀吉以喪子故鬱鬱不自得伐朝鮮以逞其志明廷用石星議封秀吉爲日本王秀吉怒曰吾而爲王若王室何益發兵爲進取計國人諫阻皆不聽前後用兵七年至秀吉死始罷

秀吉子秀賴嗣爲關白年幼不能任政周仁以德川家康爲大將軍家康遂滅豐臣氏而專政復通好於明給印票於諸商約互市家康子秀忠嗣職亦求通商值明室衰微不報南都旣亡鄭芝龍奉唐王聿鍵書暨方物乞援於日本時秀忠子家光爲將軍雅不欲聞釁於我大清貽書謝芝龍芝龍旣就撫其子成功奉魯王居海上時與日本通使互市成功母田川氏日本女也順治六年明遺臣馮京第黃宗羲朱之瑜先後乞師日本皆不達洎魯王亡獨成功與日本交通焉

第三章 安南

宋初丁部領王交趾傳二世爲部將黎桓所篡宋太宗發兵討之桓懼遣使貢方物上表謝罪帝因封桓使主交趾真宗卽位封桓爲南平王桓卒諸子爭國大校李公蘊逐

黎氏而自立帝用桓故事封之再傳至日尊國勢日強改國號曰大越日尊卒子乾德嗣與宋構兵尋歸順奉職如故三傳至龍翰有內亂其臣陳李平之以功專國柄李有孫曰日照尙龍翰孫女昭聖龍翰子昊昂嗣位卒無子傳位於女其國遂爲日照所有

元世祖初年伐交趾置達嚕噶齊監治之日照子光昂嗣位嘗上表乞罷達嚕噶齊不報光昂卒日烜日燿相繼立屢服屢叛元雖數征之未能得志至延祐後安南始率職貢獻不絕明太祖洪武初其王日燿首脩職貢太祖嘉之禮遇優於諸國日燿卒姪日燧嗣爲其伯父叔明逼死叔

明篡位未幾以其弟熾燿攝政熾侵占城敗沒燿爲黎季犛所弒立叔明子日焜已又弒日焜立其子顒旋弒顒及其弟燾遂滅陳氏而自立

成祖討季犛夷安南爲郡縣而簡定陳季擴黎利相繼爲亂用兵累年至宣宗時卒棄安南命利權署國事利雖受敕命居國仍僭帝號建百官設學校以經義詩賦二科取士彬彬有華風焉利卒子麟嗣英宗以陳氏嗣已絕宜使麟正位遂封麟爲安南國王

正統七年麟卒子濬琮灝代立灝雄桀有智略成化中攻占城執其王槃羅茶全旣又破之執其王槃羅茶悅遂改

占城爲交南州恃其兵力攻老撾及八百鄰近諸國無不被兵者明廷諭禁之不能止也灝之後國勢漸頹其孫誼及暲皆庸暴多行不義正德十一年社堂燒香官陳暲與二子昂昇作亂詭言前王陳氏後國人附之遂弑暲而篡其位自稱大虞皇帝大虞者黎季犛國號以胡陳二姓皆出於舜也

暲臣都力士莫登庸初附陳暲後與黎氏大臣阮宏裕等起兵討之暲敗奔諒山

今越南北圻諒山省

據地自保登庸等共立

暲兄灝之子諲登庸既有大功潛蓄異志黎氏臣鄭綏以諲徒擁虛位別立其族子酉榜發兵攻國都諲出走登庸

擊破綏兵捕殺酉榜益恃功專恣逼妻諲母而迎諲歸攻

陳暲於諒山暲敗走死遂謀弑諲諲奔清華

今越南中圻清華省

庸立其庶弟慮遷居海東長慶府

今越南北圻廣平省

旋令其黨僞

爲慮禪詔篡其位時嘉靖六年也九年登庸傳位於子方

瀛移居海陽

今越南北圻海陽省

爲方瀛外援作大誥五十九條頌

之國中是年黎諲卒於清華國亡

世宗以安南大亂莫氏叛逆宜遣官往勘且議征討時大學士夏言主用兵而戶部侍郎唐胄兵部侍郎阮珍等力言用兵非計議久不決十六年安南黎甯遣國人鄭惟僚等赴京備陳登庸篡弑狀言乞師亟除賊事下諸臣議雲

南巡撫汪文盛謂登庸必可破卽傳檄諭之帝又命右都御史毛伯溫率師進討登庸及方瀛大懼屢表乞降且籍其土地戶口聽處分帝乃罷征南兵削安南爲安南都統使司改十三道爲十三宣撫司

安南旣降登庸父子相繼卒方瀛孫宏瀛嗣偪於大臣阮敬國內亂四十三年宏瀛卒子茂洽嗣莫氏勢益衰遂復奪於黎氏初黎甯據清華稱帝爲登庸所攻竄占城界國人立其弟憲甯尋自占城歸居於漆馬江屬清華來州甯卒其

臣鄭檢立甯子寵寵卒無子國人共立黎氏之裔維邦維潭世居清華自爲一國萬厯十九年維潭攻莫茂洽殺之

得其都統使印款關求貢總督陳大科等上言莫之篡黎其勢逆黎之復讎其名正宜許其來歸二十五年遂授維

潭都統使使主安南莫茂洽之死其族人敬恭敬用等屯

聚諒山高平今越南北圻高平省角立不相下維潭旣復國詔以高

平居莫氏如漆馬江故事毋相侵奪二十七年維潭卒子

維新嗣鄭檢子松負功專權維新移居清化都統使之威

令不能行於全境莫氏宗黨往往據地僭號侵軼中國維

新卒子維騏嗣天啟四年發兵擊莫敬寬克高平大掠而

歸敬寬與其子逃入山中復回高平勢益弱然終明之世

二姓分據訖不能歸一云

第五篇 學藝宗教

第一章 學校科舉

明太祖以遊丐起事目不知書而其後殫心問學博通古今遂最措意於學校初定金陵卽以元集慶路儒學爲國子學洪武元年令品官子弟及民俊秀通文義者並充國子學生天下既定詔擇府州縣學諸生入國子學又擇年少舉人趙惟一董昶等入學讀書賜以衣帳命於諸司先習吏事謂之厯事監生遴其中尤英敏者入文華武英堂研究典籍講求經濟謂之秀才二年又詔天下府州縣皆立學設教授學正教諭訓導等官以禮樂射御書數設科

分教兵燹甫夷莘莘絃誦視漢唐宋元開國之時爲獨優
焉

科舉之制吳元年已定而未舉行洪武三年始設科取士
京師行省各舉鄉試以經義論策分試三場中式後十日
復以騎射書算律五事試之明年會試帝親製策問試於
奉天殿時以天下初定令各行省連舉三年自後三年一
舉鄉試以八月會試以二月又以官多缺員舉人俱免會
試赴京聽選并擇其年少優異者爲翰林院編修人文華
堂肄業命宋濂爲之師帝政暇親品隲其文恩禮備至
六年二月以科舉所取多後生少年有文無實詔罷科舉

別令有司察舉賢才以德行爲本文藝次之其目曰聰明
正直曰賢良方正曰孝弟力田曰儒士曰孝廉曰秀才曰
人才曰耆民皆禮送京師不次擢用而各省貢生亦由太
學以進於是罷科舉者十年

十四年改建國學於雞鳴山明年改稱國子監設祭酒司
業等官分六堂以課諸生曰率性修道誠心正義崇志廣
業每旦祭酒司業坐堂上諸生進揖質問經史拱立聽命
所習自四子本經外兼及劉向說苑及律令書數御製大
誥每月試經書義各一道詔誥表策論判內科二道按諸
生文行遞升各齋升至率性乃積分每試文理俱優者與

一分理優文劣者與半分紕繆者無分歲積八分爲及格與出身不及者仍坐堂肄業

是年復行科舉越二年頒科舉條式子午卯酉年鄉試辰

戌丑未年會試鄉會試各三場第一場試四書義三道經

義四道四書主朱子集注易主程朱傳義書主蔡沈傳及古注疏春秋主三傳及胡安國張洽傳禮記主古

注疏至永樂中頒四書五經大全廢注疏不用二場試論

其後春秋亦不用張洽傳禮記止用陳澔集說一判語五詔誥章表各一三場試經史策五鄉試中式者

爲舉人各布政使司送禮部會試會試中式者赴殿試殿

試以一二三甲爲名第之次一甲止三人曰狀元榜眼探

花賜進士及第二甲賜進士及第三甲賜同進士及第無

定額十八年始選進士入翰林一甲爲修撰二甲爲編修

三甲爲檢討又命進士觀政諸司其在翰林中書者曰庶

吉士在六部都察院者仍稱進士

是時雖復行科舉而監生與薦舉人才參用者居多嘗擢

監生劉政等六十四人爲布政按察使及參政副使等官

或用爲御史給事中而薦舉之途尤廣賢良郭有道秀才

范敏曾泰稅戶人才鄭沂儒士趙概皆起家爲尚書其他

由布衣登大僚者不可勝數蓋太祖銳意圖治用人不拘

資格而學校修舉教課得人進身之階初不專恃考試也

成祖遷都北京別設國學以京師國子監爲南京國子監

太學生遂有南北之分仁宣以後取士偏重科舉學校寢
衰初各府州縣生員定額至少皆廩於學爲世所榮宣德
元年始增其額謂初設者爲廩膳生員新增者爲增廣生
員英宗正統十二年復以鳳陽府知府楊瓚言增置生員
毋限額數謂之附學生名器日濫所取或不盡才迨景泰
初以邊事孔棘令天下納粟納馬者入監讀書得視歲貢
生員謂之民生亦謂之俊秀而流品益淆國學亦不復得
人矣

大要明制入府州縣學者通謂之生員入國學者通謂之
監生舉人下第而入監者曰舉監生員以貢入監者曰貢
監品官子弟曰廩監捐貲曰例監貢監有歲貢選貢恩貢
納貢之別廩監有官生恩生之分舉貢得爲府佐貳及州
縣正官官恩生得選部院府衛司寺小京職皆爲正途援
例監生僅得選州縣佐貳及府首領官其授京職者乃光
祿寺上林苑之屬謂之異途云

元設儒學提舉司明初裁之生員入學率試於巡按御史
布按兩司及州縣官正統元年始置提督學政專官南北
直隸俱用御史各省參用副使僉事景泰元年罷提學天
順六年復設其有所轄太廣及地最僻遠歲巡所不能及
者則屬之分巡道員及巡按御史初制提學官置德行文

藝治事三簿稽諸生優劣而判其等其後奉行不力僅以
歲科兩試第其優劣無復古者學校師儒之義故士習剝
而爭鶩於奔趨

明初兩京鄉試主考皆用翰林而各省考官先期於儒官
儒士內聘明經公正者爲之故有不在朝列而累秉文衡
者景泰三年令布按二司同巡按御史推舉見任教官年
五十以下三十以上文學廉謹者聘充考官於是教官主
試遂爲定例嘉靖中用兵部侍郎張璁言各省主試皆選
京官或進士每省二人馳往其後兩京及各省房考亦不
用教官兩京用京官進士各省聘外省推官知縣初制同
考八人後漸增至十七人萬曆中復增至二十人訖明末
不變

第二章 諸儒學派

明初諸儒學術純正其最著者若金華范祖幹葉儀祁門
縣名屬南直隸徽州府汪克寬休甯趙汭等皆遠宗朱熹
今安徽徽州府祁門縣而近出於許濂吳澄視宋元之學派猶一脈也方孝孺少
受學於宋濂濂亦金履祥之續傳故其學一以主敬爲宗
教授漢中時蜀王扁其堂曰正學世遂稱爲正學先生晚
遭國難殺身成仁忠孝大節雖出天性亦其淬厲於學者
深也孝孺字希直一字希古甯海縣名屬浙江省台州府
今浙江台州府甯海縣

人

繼孝孺而講學者曰曹端薛瑄吳與弼皆朱學也端字正

夫澠池縣名屬河南省河南府人永樂六年舉人官霍州

屬山西省平陽府今山西霍州學正其學務躬行實踐而以靜存為要讀

宋儒太極圖通書西銘歎曰道在是矣篤志研究坐下著

足處兩足皆穿居霍州十餘年無愚智皆化之嘗作川月

交映圖擬太極學者稱為月川先生

瑄字德溫號敬軒河津縣名屬山西省平陽府蒲州今山西絳州河津縣人永樂

十九年進士正統初為山東提學僉事取士先力行而後

文藝人稱為薛夫子王振當國以瑄鄉人引為大理寺卿

瑄不往謝及見振長揖不拜振撼之誣以事繫獄論死振

有老僕聞之而泣為振具言其生平振惘然立出之天順

中以禮部右侍郎入閣值曹石用事道不行致仕去瑄學

本程朱修己教人一以復性為主充養遂密言動咸可法

嘗曰自考亭以還斯道已大明無煩著作直須躬行耳有

讀書錄二十卷平易簡切皆自言其所得學者宗之成化

初諡文清隆慶五年詔從祀孔子廟庭

與弼字子傅號康齋崇仁縣名屬江西省撫州府今江西撫州府崇仁縣人少從

楊溥學讀伊洛淵源錄慨然有志於道遂棄舉子業獨處

小樓玩四子五經諸儒語錄者數年家貧躬耕食力以其

道教學者累薦不仕嘗歎曰宦官釋氏不除而欲天下治
平難矣英宗復辟以處士徵賜璽書加東帛特授左諭德
蓋出石亨薦也與弼至京居二月以疾辭歸恂恂如鄉人
而名益高浮薄士忌之誣其訟弟且爲亨作譜敘稱門下
士世以是叢詬焉與弼爲學一稟宋人成說敬義夾持明
誠兩進所著日錄皆躬行心得之言著錄弟子甚眾以胡
居仁爲稱首

居仁字叔心餘干

縣名屬江西省饒州府
今江西饒州府餘干縣

人學者稱爲敬

齋先生弱冠卽奮志於學及遊與弼之門益自刻厲每日
必立課程詳書得失以自考家故貧鶉衣脫粟蕭然有自

得之色嘗曰以仁義潤身以牙籤潤屋足矣所著有居業
錄

自吳胡之後講學家分白沙姚江二派陸學大興程朱之

統遂微白沙者新會

縣名屬廣東省廣州府
今廣東廣州府新會縣

里名陳獻章

之所居也獻章字公甫正統十二年舉人以薦授翰林院
檢討嘗從吳與弼講學汎濫於古今聖賢之書意弗慊也
歸築陽春臺靜坐其中不出闕者數年始灑然自以爲有
得故其學近於禪悅其教學者但令端坐澄心於靜中養
出端倪或勸之著述不答論者謂獻章之學有鳶飛魚躍
之樂云

姚江學派始於王守仁守仁字伯安餘姚縣名屬浙江省紹興府今浙江

紹興府餘姚縣人學者稱為陽明先生少豪邁不羈長從吳與弼

弟子婁諒問學始有志於道登宏治十二年進士第官兵

部主事忤劉瑾下詔獄廷杖四十謫貴州龍場驛屬貴陽府修文

所今廢丞窮荒無書日繹舊聞忽悟格物致知當自求諸心

由是學大進瑾誅起用游擢至左僉都御史巡撫南贛夷

羣盜平宸濠陞南京兵部尚書封新建伯進左都御史平

斷藤峽賊請告歸卒於南安府名屬江西省今江西南安府隆慶初追諡

文成守仁教學者專以致良知為主謂宋周程二子後惟

象山陸氏簡易直捷有以接孟氏之傳而朱子集註或問

之類乃中年未定說學者翕然宗之所著有傳習錄及詩

文集

白沙弟子以湛若水為大宗若水字元明增城縣名屬廣東省廣州府今廣東廣

州府增城縣人學者稱為甘泉先生宏治十八年進士官

至南京吏部尚書若水之學專宗獻章所至必建書院以

祀之初若水與守仁同講學後各立宗旨守仁主致良知

若水主隨處體驗天理守仁言若水之學為求之於外若

水亦謂守仁格物之說不可信兩家門人各相排詆或亦

為調停之說然湛氏之徒訖不及王學之盛

王學自江右浙中播及吳楚南暨粵閩北逮齊豫支派廣

而門戶亦分弟子之著者曰錢德洪王畿鄒守益羅洪先
李材王艮而畿及艮主張良知變本加厲實爲王學之蠹
畿字汝中號龍溪山陰人從守仁學最久謂師門教法常
提四句云無善無惡心之體有善有惡意之動知善知惡
是良知爲善去惡是格物艮字汝止號心齋泰州人從學
守仁嘗創蒲輪招搖道路入都講學時人以怪魁目之其
論格物謂卽反己與諸儒之說皆不合而持論高遠多出
入於二氏焉

與守仁同時而墨守宋學者曰泰和縣名屬江西省吉安府今江西吉安府泰和縣羅欽順欽順字允升號整庵宏治六年進士官至吏部

尙書諡文莊其學初由禪入後始悟其非而力闢之著困
知記發明釋氏之明心見性與吾儒之明心見性相似而
實不同又以守仁誤認格物貽書辯論往返至再蓋欽順
最深於格物致知之功也

姚江學派盛行於明之中葉至明末而別爲東林學派顧
憲成高攀龍之學雖亦出於陽明而其講學東林恪遵程
朱教法力闢姚江無善無惡之說有功於世甚鉅攀龍嘗
自述其爲學規程以半日靜坐半日讀書靜坐有不安則
以程朱之語參求凡誠敬主靜觀喜怒哀樂未發默坐澄
心體認天理等一一行之立坐食息念念不舍其誠切如

此崇禎初追諡憲成端文攀龍忠憲

東林之後好名之士倡爲復社幾社欲以賡續東林然特文酒之會於講學無當也明末儒學惟黃道周劉宗周二

人能殿之道周字幼平號石齋漳浦

縣名屬福建省漳州府今福建漳州府漳

浦人天啟二年進士官右中允以建言失莊烈帝意黜爲

民尋召用進少詹事上三疏劾諸輔臣帝召見平臺詰責之貶六秩已復逮下獄遣戍崇禎十五年復故官鄭王監國拜禮部尚書南都亡戴唐王圖進取兵敗而死道周學貫天人精誠純一在獄時註易講學不輟一時賢士大夫莫不推服其所論建勳中時弊而莊烈以迂闊斥之惜哉

宗周字起東山陰人萬曆二十九年進士以忤宣崑黨不仕天啟初起儀制主事復忤魏闖削籍崇禎初起順天府尹洊擢左都御史言事侃侃所規畫諍論皆天下治亂興亡之本帝惡其戇斥爲民南渡起原官上疏論大計不就職既受命見馬阮用事復請告歸浙省降絕食二十四日而卒宗周初講學於東林後以王學累傳而失其本怒然而已主敬其功也敬則誠誠則天良知之說鮮有不流於禪者學者稱爲念臺先生

第三章 詩文

明初詩文以劉基宋濂為兩大宗基詩質而雄濂文厚而婉皆渾然開國之音同時吳下詩人有高啟楊基張羽徐

賁號稱四傑而啟詩尤工麗啟字季迪長洲縣名屬南直隸蘇州府今

江蘇蘇州府長洲縣人洪武初薦修元史授翰林院編修擢戶部右

侍郎以作詩諷刺時事中太祖之忌賜白金放歸居吳淞

江即古松江在今蘇州松江二府境之青邱授書自給已而太祖見其為

知府魏觀作上梁文大怒腰斬於市所著有青邱大全集

啟之後林鴻高棅以詩著方孝孺解縉以文著雖皆追摹

古作者而氣體漸失之弱永宣以還崇古臺閣體益靡然

無復傑作至李東陽王鏊出始一洗臺閣之陋東陽字賓

之茶陵州名屬湖廣省長沙府今湖南長沙府茶陵州人幼有神童之稱年十八

成進士官至文淵閣大學士劉瑾竊柄東陽依違其間為

時所譏而詩文典麗雄偉朝廷大著作多出其手著有懷

麓堂前後集鏊字濟之吳縣屬南直隸蘇州府今江蘇蘇州府吳縣人成化

中鄉會試皆第一廷試第三授編修武宗時官文淵閣大

學士以忤劉瑾去官其文爾雅深厚取士尚經術險詭者

一切屏去宏正閒文體為一變

與東陽鏊同時以詩文鳴於世者有李夢陽何景明徐禎

卿邊貢康海王九思王廷相等號七才子其言文必秦漢

詩必盛唐非是者弗道斥東陽等文筆萎弱天下翕然宗

之七子中夢陽景明名最高世並稱李何夢陽字獻吉慶

陽府名屬陝西省人官戶部郎中忤劉瑾下獄康海為說

瑾乃免瑾誅起故官遷江西提學副使復為上官劾罷夢

陽跡弛負氣自號空同子詩文高者逼司馬遷杜甫縱橫

變化涵蓋一世劣者或剽竊字句取其形似亦為世所嗤

云景明字仲默信陽州名屬河南省汝甯府人官陝西提

學副使詩文才力不逮夢陽而秀逸渾成過之夢陽所作

曰空同集景明曰大復集

明代文人多媿陋惟楊慎以博雅著慎字用修號升庵廷

和子也正德六年殿試第一授修撰以伏闕爭大禮下詔

獄廷杖謫戍雲南永昌衛今雲南永昌府慎幼警敏十一歲能詩

既投荒多暇於書無所不覽為文章宏博絕麗隨題賦形

一空依傍於李何諸子外自成一家有集九十卷行世而

詩文外雜著復有一百餘種當世著作之富推慎為第一

李何以後為文者分二派一宗秦漢一宗唐宋宗唐宋者

倡之王慎中而唐順之和之慎中字道思晉江縣名屬福建

州府今福建泉州府人官河南參政其文初宗秦漢謂東京以下

無可取已悟歐曾作文之法一意師倣罷官後益肆力於

古文演迤詳贍卓然成家世以與順之並稱曰王唐又曰

晉江毘陵毘陵者古常州之稱順之之鄉也順之字應德

嘉靖八年會試第一授庶吉士屢忤執政削籍歸讀書十餘年起禦倭寇官至右僉都御史順之於學無不窺自天文樂律地理兵法弧矢句股壬奇禽乙俱能究極原委為古文洗洋紆折有大家風歸安縣名屬浙江省湖州府今浙江湖州府歸安縣茅坤最心折順之順之著文編耑取唐宋入家坤後選入大家文鈔其書盛行海內鄉里小生無不知茅鹿門者鹿門坤別號也

宗秦漢者李攀龍王世貞其魁也攀龍字子鱗歷城屬山東省濟南府今山東濟南府歷城縣人官陝西提學副使世貞字元美太倉人官南京刑部尚書攀龍初在京師倡詩社與世貞及謝

榛宗臣梁有譽號五子嗣增徐中行吳國倫二人號七子嘉靖七子之名與李何七子後先輝映其古體詩文率聲牙戟口恣為博奧而近體詩務以聲調勝清華典贍視李何或少過之攀龍罷官後構白雪樓以詩文倡後進座客恆滿其沒也世貞獨主文盟垂二十年故其名尤出攀龍上世貞自號鳳洲又號弇州山人所著弇州四部稿精博與楊慎抗行然世貞晚年頗悔其少作心折歸有光

有光字熙甫崑山縣名屬南直隸蘇州府今江蘇蘇州府崑山縣人九歲能屬文弱冠盡通五經三史舉嘉靖十九年鄉試八上春官不第居安亭江在崑山縣東南今有鎮上讀書談道學徒常數百人稱為

震川先生晚登進士第官至南京太僕寺丞有光爲古文原本經術上者得司馬遷之神次亦不失爲歐曾時世貞負盛名有光獨斥爲庸妄巨子世貞始憾之而終服之論者謂元明三百餘年惟有光古文與八家相衡無愧色云明末王李之派盛行公安縣名屬湖廣省荊州府今湖北荊州府公安縣袁宏道心非之爲詩獨尙清真學者多舍王李而從其說號爲公安體其後竟陵縣名屬湖廣省安陸府今湖北安陸府天門縣鍾惺譚元春復以幽深孤峭矯之號爲竟陵體詩與古文皆失其正張溥陳子龍晚出文體復一變溥字天如太倉人崇禎四年進士改庶吉士嘗倡復社以復古學聲氣傾一時其文樸茂淵

懿儼然兩漢風也子龍字臥子華亭縣名屬南直隸松江府今江蘇松江府華亭縣人崇禎十年進士官兵科給事中殉國變死溥之結復社也子龍亦倡幾社應之其文宗魏晉詩法漢魏盛唐不失七子矩矱

明以制義取士其體尙排比仿聖賢語氣爲之蓋太祖與劉基所定也嘉隆閒德清縣名屬浙江省湖州府今浙江湖州府德清縣胡友信與歸有光並以制義名世稱爲歸胡啟禎閒撫州艾南英章世純羅萬藻陳際泰等爲之益精深刻摯號爲江西派而江南若金聲黃淳耀夏允彝等文體復以沈鬱雄渾勝明亡諸人皆抗節死義著稱於世

第四章 喇嘛教

明代釋道二教俱不甚盛惟喇嘛教盛於西域永樂初成祖聞烏斯藏即西藏僧哈里瑪舊作哈里麻有道術國人稱曰尙師遣使迎至京師爲高帝后薦福或言有卿雲甘露之祥帝大喜封哈里瑪爲大寶法王其徒三人皆封國師後又封大乘大慈二法王禮之亞於大寶於是其徒爭來朝貢輻輳京師先後封闡化闡教輔教護教贊善五王又授西天佛子者二灌頂大國師者九灌頂國師者十有八法王等死其徒輒自相承襲略與土司等迄憲孝二宗時猶常迎喇嘛至京焉

自帕克巴後喇嘛世主藏事至明世諸法王皆賜紅綺禪衣稱爲紅教喇嘛紅教以密呪爲旨蓄妻子多弊害至宗喀巴出喇嘛教始別創新派宗喀巴以永樂十五年生於西甯衛屬陝西省今甘肅西甯府得道於藏中甘丹寺鑑紅教之弊排幻術禁娶妻著黃衣黃冠以自別是爲黃教之祖宗喀巴有二弟子曰達賴喇嘛曰班禪喇嘛成化十五年宗喀巴死遺屬達賴班禪世世以呼畢勒罕轉生演大乘教呼畢勒罕者華言化身也

當明中葉黃教盛行西域已遠出紅教上而中國未之知也達賴二世根敦嘉穆錯出始以活佛聞於中國武宗遣

使迎之達賴匿不出使還而武宗崩事遂寢嘉靖二十二年達賴三世鎖南堅錯立名益著青海河套諸蒙古罔不嚮服順義王諳達嘗躬迎之至漠南布教又勸之通中國鎖南堅錯乃遣大學士張居正書自稱釋迦牟尼比邱居正聞於朝神宗許其通貢自是紅教中大寶大乘諸法王亦皆俯首稱弟子改從黃教而紅教日微矣

萬厯末達賴五世羅卜藏嘉穆錯立紅教喇嘛妒其威勢之盛欲引拉達克地名即今後藏之首長藏巴汗以控制黃教羅

卜藏嘉穆錯乃招致衛拉特以拒之衛拉特自額森後久不振當是時分準噶爾杜爾伯特土爾扈和碩四部勢復

強和碩部長固始汗受達賴喇嘛命糾三部之眾自青海入西藏擊藏巴汗殺之於是達賴驅除其眾以其地居班禪與達賴分主藏事西藏全土遂盡歸黃教喇嘛焉

第五章 天主教 附中西之交通及厯算西學

自蒙古統一亞細亞中國始與歐洲交通然其時航海必由黑海中隔土耳其等國歐人猶未能徑至中國通商也至明中葉蒲萄牙王子亨里究心航海之術勗興羅盤針國人有航遠洋者輒獎厲之成化二十二年遂得新航路於阿非利加洲之喜望峯一名好望角俗稱大浪山今其地屬英國宏治十一年葡人滑士科達軋摩復繞喜望峯而達印度於是其國

人爭至東洋經商奪錫蘭

印度洋島名

滿刺加

南洋島名

瓜哇等地

侵尋及於中國正德十二年葡人始至廣東尋於甯波厦

門

所名在福建泉州府同安縣西南海中

建商館嘉靖四十三年復至廣東

香山縣之濠境

即澳門

請隙地建屋歲納租銀五百兩疆臣

林富爲請許之其後西班牙荷蘭英吉利等國次第至南

洋通商中西之交通遂日甚焉

西人之初至中國其宗旨有二曰通商曰傳教商務開於

葡萄牙而教務傳於意大利意大利即古羅馬天主教之

祖國也自唐迄宋元之時歐洲教民悉轄於羅馬教王其

尊無對至明中葉有日耳曼人曼耳金路德者創立新教

與教王相抗於是西教遂分天主耶蘇二派而教王之勢遂衰

天主教既衰於歐洲欲傳教於亞洲以張其勢明世宗時

有方濟各方者嘗至印度日本傳教未及至中國而逝萬

厯九年奇哀休德派之米開魯老躋始來廣東翌年利瑪

竇亦至建堂布教民多從之二十九年利瑪竇入京師因

中官馬堂獻天主圖天主母圖及神仙骨等物禮部議卻

之神宗嘉其遠來假館授餐給賜優厚公卿以下咸與晉

接於是中國始知有大西洋五大洲焉

自利瑪竇居京師其徒來者有龍華民畢方濟艾儒略鄧

玉函熊三拔龐迪我湯若望陽瑪諾羅雅谷王豐肅等史稱其人大都聰明特達之士意專行教不求利祿其所著書多華人所未道故一時好奇者咸尙之而王豐肅居南京傳教爲禮部郎中徐如珂所惡倡議斥逐侍郎沈淮給事中余懋孳等亦相繼言之帝乃命之歸國已而王豐肅變姓名復入南京行教如故朝士莫能察也

中國厯算之學式微已久元郭守敬作授時厯明初劉基元統作大統厯推步多不驗萬厯中鄭王世子載堉究心厯算嘗疏請改厯議格不行及徐光啟李之藻等出受算法於利瑪竇益知舊厯之非崇禎初開局修厯命光啟之

藻與龐迪我熊三拔等董其事始一變而用西法光啟字

子先上海

縣名屬南直隸松江府今江蘇松江府上海縣

人萬厯二十七年進士

官至文淵閣大學士著有日躔厯指測天約說等書又有歐几里得幾何原本六卷則光啟官翰林時與利瑪竇同譯者也光啟執政嘗議創西洋大礮禦邊不果行之藻字振之仁和

縣名屬浙江省杭州府今浙江杭州府仁和縣

人萬厯二十六年進士

官至南京太僕寺卿著有渾蓋通憲同文算指等書皆譯利瑪竇之作也

明代所傳西人之書自厯算外有艾儒略之職方外紀熊三拔之泰西水法鄧玉函之奇器圖說當時頗駭其言爲

不經至近世始信之又艾儒略嘗作西學一卷言其國建
學育才之法凡分六科勒鐸理加者文科也斐錄所費亞
者理科也默弟濟納者醫科也勒義斯者法科也加諾搦
斯者教科也陡錄日亞者道科也蓋歐洲之重學校所從
來遠矣

第六篇 制度略

第一章 職官

明代設官初沿元制中書省以總天下之吏治都督府以
統天下之兵政御史臺以振朝廷之紀綱內設六部外置
行省寺院諸司咸無所革至海內漸平始罷行省汪胡亂
政復廢丞相前代陳規次第改易建文嗣服益仿古禮更
定官制成祖靖難復仍舊貫而末年遷都兩京並置視國
初職官稍稍殊矣仁宣以降無大變更而冗員外吏亦代
有所增茲舉其尤要者著於篇以覘元制與今制所由變
遷焉

太祖之罷丞相也置四輔官以備顧問不久卽罷洪武十五年始仿宋制置華蓋殿武英殿文華殿文淵閣東閣諸大學士秩皆正五品特以之侍左右輔太子而已永樂初閣臣始預機務仁宗復建謹身殿以東宮舊臣兼殿閣銜職掌漸崇宣景以後閣臣加公孤參大政擬於古之宰執世宗時改華蓋爲中極謹身爲建極四殿二閣朝班位次俱列六部之上票擬批答實一國政權所集焉

明初中書省設四部掌錢穀禮儀刑名營造之事洪武元年始置吏戶禮兵刑工六部設尙書侍郎等職仍屬中書省十三年罷中書省政權始歸六部而吏兵二部之任尤重吏部掌天下官吏選授推舉封勳考課之政令兵部掌天下武衛官軍選授簡練征調之政令二部得人則吏治清而軍政肅反是則敗後雖政出內閣亦不能奪其權也永樂後南北二京均設六部而南京吏部掌考察兵部尙書加參贊機務亦視他部特重焉

元代御史臺設御史大夫中丞監察御史等職明初亦因之後改御史臺爲都察院以都御史代大夫副都御史代中丞而十三道監察御史多至一百十人蓋重言職也都御史掌糾劾百司辨明冤枉監察御史掌糾察內外百司之官邪或露章面劾或封章奏劾至奉命出巡其職尤重

藩服大臣府州縣官悉聽其舉劾焉言官自御史外又有六科給事中掌封駁之任旨必下科其有不便給事中駁正到部謂之科參六部之官無敢抗科參而自行者故給事中之品卑而權特重與御史並稱科道

明制部院之外職掌最重者曰通政司曰大理寺通政使掌受內外章疏敷奏封駁之事太祖嘗諭通政使曾秉正等曰政猶水也欲其常通卿其審命令以正百官達幽隱以通庶務大理卿掌審讞平反刑獄之政令凡刑獄初審刑部都察院爲主覆審大理寺爲主謂之三法司大理寺官以能按律出入罪者爲稱職蓋慎刑也然明制又有錦衣衛鎮撫司掌緝捕刑獄之事凡下錦衣衛者多非法考治後又分設南北司而命司禮監與法司會審其濫刑甚矣

明初置詹事院翰林院祕書監起居注多沿前代之舊後裁祕書監起居注改詹事院爲詹事府而翰林爲清要之職閣臣多由是選授遂與古制迥異翰林院學士侍讀侍講等職有定員修撰編修檢討庶吉士無定員嘉靖中嘗定其額選御史主事爲編修崇禎中又嘗考選推官知縣爲編修然皆勅舉非常制其詹事庶子諭德中允等職本爲宮僚自嘉靖後視爲翰林遷轉之階而太子出閣講讀

每點別員焉

明之宦官有十二監四司八局謂之二十四衙門其外又有提督東廠提督京營文書房供用庫等職設官之多前代幾無其匹凡內官司禮監掌印專司批紅權如外廷元輔掌東廠刺緝刑獄權如總憲在外則織造鎮守市舶監督監軍采辦等使權侔布按故有明一代之政直可謂出之閹宦也

明初罷行中書省各省刑名錢穀吏治學校悉統於承宣布政使司提刑按察使司布政使左右各一人按察使每省一人其屬有參政參議副使僉事分司諸道建文永樂間雖有增改其大致一也永樂十九年始遣尚書蹇義等二十六人巡行天下安撫軍民後凡邊疆重地及有河工漕務者則設巡撫或總督皆兼都御史銜然因事設官不以省郡分至其末年陝西有三巡撫山西有二巡撫直隸有四總督七巡撫則幾於十羊九牧矣

明代官制三途並用謂進士舉貢吏員也洪武中定南北更調之制自學官外不得官本省凡大學士尚書侍郎督撫布按由三品以上官推舉謂之廷推亦曰會推在外府州縣正佐在內大小九卿之屬員由吏部選授選法初用拈鬮後改爲掣籤凡推官知縣選授科道者謂之行取其

考察之法京官曰京察六年一舉外官曰外察州縣曰大計三年一舉其法至今猶沿之
明內外官凡二萬數千員自永樂初卽慮其冗濫以次裁汰而成化中京職額外增多及傳奉升授匠官等通計二千餘人官吏之冗莫甚於此神宗末年怠於政事官缺多不補閣部率止一人御史數年空署督撫監司亦屢缺不補文武大選急選官及四方教職積數千人以吏兵二科缺掌印不畫憑久滯都下時攀執政與哀訴廢弛之概亦歷代所罕見也

第二章 地理

明之代元也僅得元室十一省之地嶺北行省等於甌脫而中亞細亞之爲元藩服者悉歸帖木兒建莫臥兒所轄故明代之版圖較之於元代廣狹不侔矣太祖開國以應天爲南京開封爲北京又以臨濠卽鳳陽府爲中都營城郭宮殿如京師制洪武八年罷之已又念天下形勢在西北欲徙都關中命皇太子巡視之太子還而病卒事遂寢

太祖時以京畿應天諸府直隸京師其天下府州縣及羈縻諸司分隸十三布政使司成祖遷都北京以北平爲直隸又增設貴州交趾二布政使司宣宗棄交趾版圖遂仍其舊終明之世爲直隸者二曰京師今直隸境南京今江蘇安徽境爲

布政使司者十三曰山東今山東境山西今山西境河南今河南境陝西今陝西境
今陝西境四川今四川境江西今江西境湖廣今湖南湖北境浙江今浙江境福建今福建境
今福建境廣東今廣東境廣西今廣西境雲南今雲南境貴州今貴州境其地東西
約萬餘里南北殆萬里

元代路府錯置明悉改路為府府縣各分三等糧二十萬石以上為上府二十萬石以下為中府十萬石以下為下府上縣如之六萬石以下為中縣三萬石以下為下縣其州之隸於府者曰散州不隸於府者曰直隸州計天下府百有四十州百九十有三縣千一百三十有八

明初沿元制設萬戶府千戶府後改為衛所分屯各省世

官其地又置十五都指揮使司北平陝西山西浙江江西山東四川福建湖廣遼東

廣西廣東河南以領衛所其邊境海疆則增置行都指揮使

司而於京師建五軍都督府俾外都指揮使司各以其方

附焉永樂後兩京皆有都督府凡分統都指揮使司十有

六北平改大甯又增萬全行都指揮使司五北平山西陝西四川福建留守司二

衛四百九十有三所二千五百九十有三兵食相輔上下

相銜法至善也

元置安撫司以轄苗蠻明室踵之於湖廣四川雲南貴州

廣西各邊地分置宣慰宣撫安撫招討長官諸司官以世

襲與內地異制國初貴州土司靄翠奢香最稱恭順貴州

之設布政司香與有力焉啟禎聞石砭今四川石砭廳女士官秦

良玉助官軍剿賊尤有名而其時永甯今四川敘永廳奢氏水西

今貴州大定府黔西州安氏之亂用兵亦垂十餘年云

明初封略東起朝鮮西據吐蕃南包安南北距大磧封圻

雖狹猶占形勝自成祖以大甯界三衛今內蒙古土默特喀喇沁科爾沁郭爾羅斯

等部宣宗遷開平於獨石今獨石城在宣化府赤城縣東北獨石口南北邊

之藩籬始失世宗棄哈密失河套西陲亦靡所屏蔽考其

時邊鄙要地稱重鎮者凡九曰遼東薊州宣府大同榆林

衛名屬陝西省今陝西榆林府甯夏甘肅太原固原州名屬陝西省平涼府今甘肅固原直隸

勢末世之弱有由然哉

第三章 田賦及錢鈔

宋元田賦多仿唐兩稅之法宋置力田科行經界法元置

勸農使立營田司皆不失務農重穀之意明太祖起自田

間尤重農事即位之初即定夏稅秋糧夏稅曰米麥曰錢鈔曰絹無過八月

秋糧曰米曰錢鈔無過明年二月計民授田又懲郡縣吏徵收賦稅侵漁

百姓令天下府州縣徧設糧長以田多者為之歲督其鄉

之賦稅州縣委官偕詣京師領勘合以行其良者輒召見

而擢用之

洪武十四年詔天下編賦役黃冊凡鄉百一十戶為里里

有長十戶爲甲甲有首歲以里長一人董一里之事應役
一年一周謂之排年里編一冊冊有丁有田詳具其戶口
舊管新收開除實在之數爲四柱式而上之部司府縣後
又命國子生分行州縣隨糧定區區設糧長四人量度田
畝方圓次以字號悉書主名及田之丈尺編類爲魚鱗冊
黃冊以戶爲準魚鱗冊以田爲準魚鱗冊爲經土田之訟
質焉黃冊爲緯賦役之法定焉

明代田制有二曰官田曰民田凡官田畝稅五升三合民
田減二升重租田八升五合五勺沒官田一斗二升太祖
怒蘇松嘉湖諸郡之爲張士誠守也籍諸豪族及富民田

以爲官田按私租簿爲稅額畝稅有至二三石者故江浙
之賦視各省獨重而逋賦亦爲天下最惠帝嘗減其額畝
不得過一斗成祖復復之宣英以降迭次裁減民困始稍
甦

洪武中天下稅糧許民以銀鈔代輸謂米麥爲本色諸折
銀者爲折色以所折銀供武臣俸祿正統初以尙書黃福
胡濙等言定制米石折銀二錢五分麥如之南畿及江浙
各省共折銀百餘萬兩解內承運庫謂之金花銀除武臣
俸給餘悉供內用其後諸方賦入折銀者幾半而倉廩之
積漸少矣

太祖時諸王公主勳戚大臣皆有莊田所謂官田也憲宗以沒入曹吉祥田爲皇莊則天子亦仿諸臣置田矣孝宗時皇莊益廣宏治十五年計天下土田四百二十餘萬頃官田視民田得七之一故賦入少而國用不足武宗淫荒增皇莊至三百餘處而諸王外戚宦寺嬖倖求請官莊及奪民田者更不可勝計世宗懲其弊始力減之又用霍韜議清丈民田萬厯中張居正復請量田遂視宏治時贏民田三百萬頃然其後分封福王括河南山東湖廣田爲王莊至四萬頃則神宗亦未能盡矯前失也

明代加賦自武宗正德九年建乾清宮始世宗以譖達之亂困於邊餉加以土木禱祀之費遂加賦百二十萬神宗時接踵三大征度支告竭頗有加派然事畢旋已民未大困也萬厯末遼左用兵邊餉驟增而內帑充積帝靳不肯發戶部不得已請加民田畝賦九釐遂爲定額崇禎初遼事益棘於九釐外復增三釐十年流寇大擾用兵中原從楊嗣昌請增餉二百八十萬詔書有暫累吾民一年除此心腹大患之語逾年餉盡而賊未平又增練餉七百三十萬蓋自神宗末年至是先後加賦千六百七十萬民窮財盡國安得不亡哉

明代錢幣先後凡三變始用鈔繼用錢終則用銀今之用

銀沿明制也太祖初得應天卽置寶源局鑄大中通寶錢卽位後頒洪武通寶錢其制凡五等曰當十當五當三當二當一當十錢重一兩餘遞降至重一錢止各行省皆設寶泉局與寶源局並鑄而商賈沿元之舊習用鈔多不便用錢帝乃設寶鈔提舉司議行鈔法焉

洪武八年詔中書省造大明寶鈔凡六等曰一貫曰五百文四百文三百文二百文一百文每鈔一貫準錢千文銀一兩四貫準黃金一兩禁民間不得以金銀物貨交易罷寶源寶泉局越二年復設寶泉局鑄小錢與鈔兼行中書省罷乃以造鈔屬戶部鑄錢屬工部十五年置戶部寶鈔

廣源廣惠二庫入則廣源掌之出則廣惠掌之終明之世皆用洪武寶鈔

明初用鈔雖設倒鈔法而鈔之昏爛者亦許其通用故行鈔未久民卽重錢輕鈔洪武末禁民用錢永樂中益嚴交易金銀之禁而令民計口食鹽納鈔宣宗又用部議治兩京水道設關收船稅一律納鈔謂之鈔關而鈔法不通如故英宗始弛錢禁而鈔法愈敝一貫至折錢三文於是復禁行使銅錢沮壞鈔法天順復辟復弛錢禁聽民相兼行使而鈔遂不行矣

成弘之際制錢與歷代錢通用而僞鑄滋多園法亦壞於

是令鈔關鹽課俱折收銀而官俸之給鈔者亦多改而折銀嘉靖八年令解京銀兩皆傾銷成錠是爲銀錠之始是時官民上下皆專用銀錢益濫惡率以三四十錢當銀一分議者爭請采銅鑄錢而雲南巡按王誨言鑄錢利少費多不若徵銀之便部議允之後雖令商稅收錢而官之收銀自若也

萬厯初從科臣議天下省直一體開鑄降錢式每百文重十三兩每文重一錢三分蓋欲使私鑄者無利不禁而自止而銅價騰踊鑄錢所費不貲天啟元年改鑄大錢分當十當百當千三等又設寶泉局於戶部以侍郎領之名錢法堂而銅少如故於是搜括庫鑄廢銅鑄錢崇禎元年復用給事中黃承昊議收銷古錢但行新錢唐宋歷代之錢至是銷毀略盡十六年設內寶鈔局議廢錢用鈔鈔未及行而流寇入京師矣

第四章 河渠漕運

明初都金陵四方貢賦由江以達京師故其時朝野無議及河漕者黃河雖決徙不爲大害然自洪武二十四年河決陽武由陳州名屬河南省開封府今河南陳州府淮甯縣穎至正陽注見四卷第一篇五章而入於淮賈魯河故道遂淤又由曹州鄆城漫東平之安山元會通河故道亦淤於是南北運道梗塞成祖北遷

勢不得不以河漕爲急務矣

洪武中餉遼東軍多用海運成祖旣建北京始行河運水陸相參又命平江伯陳瑄等率舟師由海道運糧餉北京遼東歲以爲常然海運險遠多失亡而河運則自江淮達陽武陸輓百七十里入衛河民苦其勞議者乃請復會通河永樂九年帝命工部尙書宋禮濬會通河禮用汶上老人白英策築壩遏汶水使盡出南旺湖名在山東兗州府汶上縣境中分二道南達徐沛北至臨清而運道成又與興安伯徐亨等發民夫十萬引黃河自開封北復賈魯河故道河南水患稍息

十三年帝以會通河成河淮合流漕道大通遂罷海運又使陳瑄自淮安城西管家湖鑿渠二十里爲清江浦導湖水入淮置四閘以宣洩又於沿河築隄引漕達河運道益便於是定各衛所支運之法自淮至徐以浙直軍自徐至德以京衛軍自德至通以山東河南軍次第轉運歲凡四次粟可三百餘萬石

永樂末用兵塞外官軍多所調遣始改支運用民運宣德六年陳瑄上言民運糧諸倉往返經年失誤農事若令民兌與附近衛所官軍運載至京量給耗米及道里費則軍民交便於是改用兌運景泰元年設漕運總督於淮安以

都御史任之漕司領十二總十二萬軍漕運遂全隸於官矣

正統十三年河決於壽張之沙灣合大清河入海又分流至懷遠入淮淹地二千餘里臨清以南運道阻塞值土木之變越七年不治景帝用廷臣言擢徐有貞為左僉都御史治之有貞上三策一置水門一開支河一濬運河詔從

其議乃治渠起張秋金隄經壽張達澶淵以接河沁水名出山

西沁州至河南武陟縣入河置閘二堰九以制河流景泰六年工成賜

渠名廣濟由是河水不東衝沙灣而北出濟漕有貞又濬漕渠北至臨清南抵濟甯州名屬山東省兗州府今山東濟甯州建閘於東

昌八水道以平

宏治初河決開封入淮復決黃陵岡入海孝宗命戶部侍郎白昂治之患稍息已而河復決於張秋掣漕河與汶水

合而北行帝以副都御史劉大夏治之大夏循視決口先開新舊諸河導河入淮以塞決口後乃興工築塞黃陵岡

決口使上流河勢復歸蘭陽縣名屬河南省開封府今河南開封府蘭儀縣考城

縣名屬河南省歸德府睢州今河南衛輝府考城縣逕歸德州名屬河南省今河南歸德府徐州入

運河會淮水東注於海於是以一淮受全河而北流遂絕矣

嘉靖以後黃河屢決或濬或塞率無善策萬厯四年河決

崔鎮在今江蘇淮安府桃源縣西北明年復決而北清口淤墊全淮南徙

總理河漕潘季馴倡六議塞崔鎮等處決口築高家堰在江蘇淮安府

山陽縣境等隄百餘里自徐沛至淮揚閒在在堵塞逾年

而工成自是治河者多以堵塞為能季馴後被劾罷至十

六年復起為右都御史總督河道河督遂為專官

山東有泇河者北起滕嶧二縣均屬兗州府南通淮海隆慶中總

河侍郎翁大立嘗欲開濬之議不決而罷萬曆二十六年

河道總督劉東星復議濬之工未竟而東星卒三十二年

侍郎李化龍與淮揚巡撫李三才循東星舊蹟復開泇河

由直河在江蘇徐州府邳州東入泇口在邳州西北抵夏鎮在徐州府沛縣東北隆慶

中嘗開河於此凡二百六十里避黃河呂梁之險由是泇河遂為

漕道永利

自嘉靖閒數遭河患朝議欲復海運穆宗嘗命量撥近海

漕糧十二萬石行之然未久即以遭風廢船罷萬曆四十

六年用兵遼東山東巡撫李長庚奏行海運遂特設戶部

侍郎一人督海艘餉遼東崇禎十二年中書沈廷揚復陳

海運之便且輯海運書五卷以進懷宗命試行之訖未能

盡變河運為海運也

明初許天下臣民條陳水利又嘗遣國子監生分行天下

督吏民修水利故明代於南北水利多有可紀者成祖永

樂元年以蘇松嘉湖諸郡頻年水災命戶部尚書夏原吉治之元吉議濬吳淞江南北兩岸安亭等浦分太湖水勢而浚松江大黃浦

卽今黃浦江在上海縣東北

通其入海之道帝從之

命發民夫開濬原吉晝夜經畫布衣徒步以身先之明年九月畢工農田大利宣德中巡撫周忱等一脩之嘉靖初巡撫李克嗣再開之蘇松諸郡遂無水旱之憂

自元郭守敬後西北水利多失脩萬厯初給事中徐貞明上水利議請興畿輔水田朝議以其勞民不報貞明坐事謫官復著潞水客談一書論水利當興者十四事給事中王敬民薦之遂以貞明爲尚寶少卿領墾田使督治京畿

水田貞明先治京東州邑募南人爲倡自十三年至明年二月凡墾田三萬九千餘畝又徧歷諸河周覽水泉分合將大行疏濬而閹人勦戚之占田者爭言不便神宗惑之遂罷至三十年又用保定巡撫汪應蛟言大興水田而御史左光斗奉命出理屯田亦言北人不知水利故易荒旱因條上三因十四議詔允其請水利大行北人皆知藝稻焉

明及諸國世系

明 朱氏代元而有天下傳十七世二百七十七年
亡於流賊福王南渡一年降於 大清唐桂二
王復襲號
十餘年

一 太祖元璋 懿文太子標 二 惠帝允炆

三 成祖棣 四 仁宗高熾 五 宣宗瞻基

六 英宗祁鎮

七 景帝祁鈺 八 英宗祁鎮 九 憲宗見深

十 孝宗祐樞 十一 武宗厚照

興獻王祐杭 十二 世宗厚熹 十三 穆宗載屋

十四 神宗翊鈞 十五 光宗常洛 十六 熹宗由校

莊烈帝由檢

福王常洵 福王由崧

桂王常瀛 桂王由榔

唐王聿鍵 太祖之裔

明帝在位年數及年號

太祖 元順帝至正二十八年稱帝 惠帝 四年 建文四 成祖 二十二年

仁宗 洪武三十一年 宣宗 十年 宣德十 英宗 先後 二年 正統十 景帝 七年 景泰七 憲宗 二十三年 成化二十三 孝 四年 天順八 武宗 十六年 正德十六 世宗 四十五年 嘉靖四十五 穆 宗 十八年 宏治十八 神宗 四十八年 萬曆四十八 光宗 一年 實一月 泰 隆慶六 熹宗 七年 天啟七 莊烈帝 崇禎十七 福王 一年 宏光一 唐王 隆武一 桂王 永曆十六

宗 隆慶六 熹宗 七年 天啟七 莊烈帝 崇禎十七 福王 一年 宏光一

宗 隆慶六 熹宗 七年 天啟七 莊烈帝 崇禎十七 福王 一年 宏光一

宗 隆慶六 熹宗 七年 天啟七 莊烈帝 崇禎十七 福王 一年 宏光一

宗 隆慶六 熹宗 七年 天啟七 莊烈帝 崇禎十七 福王 一年 宏光一

宗 隆慶六 熹宗 七年 天啟七 莊烈帝 崇禎十七 福王 一年 宏光一

高麗 王氏繼新羅而有國傳三十一世四百五十六年而亡於李氏

一 太祖建 二 惠宗武

三 定宗堯

四 光宗昭 五 景宗佺 六 穆宗誦

戴宗旭 成宗治

安宗郁 八 顯宗詢 九 德宗欽

十 靖宗亨

十一 文宗徽

十二 順宗勳

十三 宣宗運 十四 獻宗昱

⑤ 肅宗禡 — ⑥ 睿宗俟 — ⑦ 仁宗楷 — ⑧ 毅宗晁

⑨ 明宗皓 — ⑩ 康宗禛 — ⑪ 高宗暉

⑫ 神宗暉 — ⑬ 熙宗諤

⑭ 元宗禎 — ⑮ 忠烈王愷 — ⑯ 忠宣王諤 蒙古名益智禮普化

⑰ 忠肅王燾 蒙古名阿刺訥忒失里 — ⑱ 忠惠王禎 蒙古名普塔失里 — ⑲ 恭愍王顥 蒙古名巴延特穆爾

⑳ 忠穆王昕 蒙古名八思麻朵兒只

㉑ 忠定王岷 蒙古名迷思監朵兒只

朝鮮 李氏代高麗而有國傳 二十六世五百餘年

㉒ 太祖成桂 — ㉓ 定宗芳果

㉔ 太宗芳遠 — ㉕ 世宗禔

㉖ 文宗珣 — ㉗ 端宗弘暉

㉘ 世祖瑠 — 德宗暉 — ㉙ 成宗婁 — ㉚ 燕山君愷

— ㉛ 睿宗昞 — ㉜ 中宗懌

㉝ 仁宗皓

㉞ 明宗暉

德興大院君昭 — ㉟ 宣祖昞 — ㊱ 光海君瑋

— 元宗瑈

㊲ 仁祖侁 — ㊳ 孝宗湍 — ㊴ 顯宗柎 — ㊵ 肅宗焮

㊶ 景宗昀

世英宗吟 莊獻世子愼 世正宗祿 世純祖玠

翼宗昊 世憲宗奐

全溪大院君璜 世哲宗昇

興宣大院君昞 世今王熙

日本

一神武天皇日本磐余彥 二綏靖神渟名川耳

三安甯磯城津彥玉手見 四懿德大日本彥耜友

五孝昭觀松彥香植稻 六孝安日本足彥國押人

七孝靈大日本根子彥太瓊 八孝元大日本根子彥國牽

九開化稚日本根子彥太日 十崇神御間城人彥五十瓊殖

十一垂仁活目八彥五十狹茅 十二景行大足彥忍代別

十三成務稚足彥 十四仲哀足仲彥

十五應神譽田 十六仁德大鷓鴣 十七履中去來穗別

十八反正瑞齒別

十九允恭雄朝津間稚子宿禰 二十安康穴穗

二十一雄略大泊瀨幼武 二十二清甯白髮廣武國押稚日本根子

市邊押磐 二十三顯宗宏計來目稚子袁祁石巢別

二十四仁賢億計 二十五武烈小泊瀨稚鷓鴣

彥主人王 二十六繼體男大迹 二十七安閑句大兄

二十八宣化武小廣國押盾

欽明天國排開廣庭
敏達淳中倉大珠敷

用明橋豐日

崇峻泊瀨部

推古豐御食炊屋

押板彥人大兄
舒明田村
皇極后

孝德后

齊明后

天智中大兄
天武大海人

弘文大友

持統高天原廣野
草壁
文武輕

元明阿閉
元正冰高

聖武美麻斯
孝謙阿倍

舍人親王
淳仁大炊
稱德

施基
光仁白壁
桓武山部

平城安殿

嵯峨神野
仁明正良

淳和大伴

文德道康
清和惟仁
陽成貞明

光孝時康
宇多定省
醍醐敦仁

朱雀寬明

村上成明

冷泉憲平
華山師貞
三條居貞
圓融守平
一條懷仁

後一條敦成

後朱雀敦良
後冷泉親仁

後三條尊仁
白河貞明

堀河善仁
鳥羽宗仁
崇德顯仁

近衛體仁

後白河雅仁
二條守仁
六條順仁

高倉憲仁
安徳言仁

後鳥羽尊盛

土御門爲仁
後嵯峨邦仁

順德守成
仲恭懷成

守貞親王
後堀河茂仁
四條秀仁

後深草久仁
伏見熙仁
後伏見允仁

龜山恆仁
花園富仁

後宇多世仁
後二條邦治

後醍醐尊治
後村上義良

後龜山熙成

光嚴量仁
崇光正仁

光明豐仁 — 後光嚴彌仁 — 後圓融緒仁

後小松幹仁 — 稱光實仁

貞成親王 — 後花園彥仁 — 後土御門成仁

後栢原勝仁 — 後奈良知仁 — 正親町方仁

誠仁親王 — 後陽成周仁 — 後水尾政仁

明正興子

後光明紹仁

後西院良仁

靈元識仁 — 東山朝仁

中御門慶仁 — 櫻丁昭仁 — 桃園遐仁

後櫻町智仁 — 後桃園英仁

光格兼仁 — 仁孝惠仁 — 孝明統仁

今王睦仁

元明職官沿革表

元明官制互有異同元代太后中宮官屬最多明則闕而不置而永樂以後兩京並置百官亦為元之所無茲以元之太后中宮官屬附著篇後而明之南京官屬則分隸於諸司之下以便學者討究

蒙古	元初	至大以後	元末	明洪武初	洪武末	建文	永樂以後	南京
扎爾古齊	扎爾古齊	扎爾古齊	扎爾古齊	宗人令	宗人令	宗人令	宗人令	宗人府
太師太傅	太師太傅	太師太傅	太師太傅	太師太傅	太師太傅	太師太傅	太師太傅	宗人府
太保	太保	太保	太保	少師少傅少保	少師少傅少保	少師少傅少保	少師少傅少保	宗人府
大筆且	中書令	中書令	中書令	左右	左右	左右	左右	宗人府
齊	皇太子兼	皇太子兼	皇太子兼	丞相	丞相	丞相	丞相	宗人府
中書令	尚書省	尚書省	尚書省	左丞相	左丞相	左丞相	左丞相	宗人府
右丞相	右丞相	右丞相	右丞相	罷而復設	罷而復設	罷而復設	罷而復設	宗人府
銜丞	銜丞	銜丞	銜丞	添設丞	添設丞	添設丞	添設丞	宗人府
宰	宰相	宰相	宰相					宗人府
三公	三公	三公	三公					宗人府
三師	三師	三師	三師					宗人府
孤	孤	孤	孤					宗人府

都督府		六部					
御史		工部	刑部	兵部	禮部	戶部	吏部
御史大夫	御史大夫	行樞密院 副使 知院	侍郎	侍郎	侍郎	侍郎	侍郎
御史大夫	御史大夫	行樞密院 知院	侍郎	侍郎	侍郎	侍郎	侍郎
御史大夫	御史大夫	行樞密院 知院	侍郎	侍郎	侍郎	侍郎	侍郎
御史大夫	御史大夫	行樞密院 知院	侍郎	侍郎	侍郎	侍郎	侍郎
御史大夫	御史大夫	行樞密院 知院	侍郎	侍郎	侍郎	侍郎	侍郎
御史大夫	御史大夫	行樞密院 知院	侍郎	侍郎	侍郎	侍郎	侍郎
御史大夫	御史大夫	行樞密院 知院	侍郎	侍郎	侍郎	侍郎	侍郎

歷代史略卷六

七

中書	尚書	起居注	給事中	執	參政
中書	尚書	起居注	給事中	執	參政
中書	尚書	起居注	給事中	執	參政
中書	尚書	起居注	給事中	執	參政
中書	尚書	起居注	給事中	執	參政
中書	尚書	起居注	給事中	執	參政
中書	尚書	起居注	給事中	執	參政
中書	尚書	起居注	給事中	執	參政
中書	尚書	起居注	給事中	執	參政

歷代史略卷六

七

兵馬司		大藩府		方	
大都路大都路大都路都指揮	大都路大都路大都路都指揮	行省	行中書行中書行中書	提刑按肅政廉肅政廉肅政廉各道按	提刑按肅政廉肅政廉各道按
都指揮都指揮都指揮	都指揮都指揮都指揮	使	使	提刑按肅政廉肅政廉各道按	提刑按肅政廉肅政廉各道按
上都路上都路上都路	上都路上都路上都路	使	使	提刑按肅政廉肅政廉各道按	提刑按肅政廉肅政廉各道按
都指揮都指揮都指揮	都指揮都指揮都指揮	使	使	提刑按肅政廉肅政廉各道按	提刑按肅政廉肅政廉各道按
五城	五城	使	使	提刑按肅政廉肅政廉各道按	提刑按肅政廉肅政廉各道按
五城	五城	使	使	提刑按肅政廉肅政廉各道按	提刑按肅政廉肅政廉各道按
五城	五城	使	使	提刑按肅政廉肅政廉各道按	提刑按肅政廉肅政廉各道按
五城	五城	使	使	提刑按肅政廉肅政廉各道按	提刑按肅政廉肅政廉各道按
興都留	興都留	使	使	提刑按肅政廉肅政廉各道按	提刑按肅政廉肅政廉各道按

鎮將	鹽司	市舶提	儒學	府	州縣
元帥 元帥 元帥 元帥 大元帥總兵官總兵官	鹽運使 都轉運 都轉運 都轉運 都轉運 都轉運	提舉 提舉 提舉 提舉 提舉 提舉	提舉 提舉 提舉 提舉 提舉 提舉	達嚕噶 達嚕噶 達嚕噶 達嚕噶 達嚕噶 達嚕噶	達嚕噶 達嚕噶 達嚕噶 達嚕噶 達嚕噶 達嚕噶
都漕 都漕 都漕 都漕 都漕 都漕	使 使 使 使 使 使	萬戶 萬戶 萬戶 萬戶 萬戶 萬戶	使 使 使 使 使 使	知府 知府 知府 知府 知府 知府	知州 知州 知州 知州 知州 知州
漕運總	漕運總	漕運總	漕運總	漕運總	漕運總
漕運總	漕運總	漕運總	漕運總	漕運總	漕運總
漕運總	漕運總	漕運總	漕運總	漕運總	漕運總
漕運總	漕運總	漕運總	漕運總	漕運總	漕運總
漕運總	漕運總	漕運總	漕運總	漕運總	漕運總
漕運總	漕運總	漕運總	漕運總	漕運總	漕運總
漕運總	漕運總	漕運總	漕運總	漕運總	漕運總

知州縣知州縣知州縣

諸使	宣慰宣慰宣慰宣慰宣慰宣慰宣慰
撫安撫安撫安撫安撫安撫安撫安撫	招討使招討使招討使招討使招討使招討使
官	諸路總管府
	達噶噶達噶噶達噶噶
	齊總管齊總管齊總管

附錄元代太后中宮官屬

中政院使 掌中宮財賦營造供給并番衛之士湯沐之邑

徽政院卿 掌太后位下錢糧選法工役

內宰司 掌內府飲膳倉儲銀糧稅之事

隆福宮左右都威衛使 掌侍衛東宮之事

長信寺卿 領大鄂多齊哩克昆諸事

長秋寺卿 掌武宗五鄂爾多戶口錢糧營繕諸事

承徽寺卿 位下錢糧營繕等事

長甯寺卿 掌英宗蘇克巴拉皇后位下戶口錢糧營繕等事

長慶寺卿 掌成宗鄂爾多及常歲管辦禾失房子行幸集賽台人等衣糧之事

甯徽寺卿 隸班布爾實皇后位下

延徽寺卿 掌伊琦哲伯皇帝鄂爾多

資正院使 爲鄂勒哲呼圖克皇后置

此外又有管領大都等路打捕鷹房膳粉人戶總管

府管領諸路齊哩克昆民匠都總管府隨路諸色民

匠打捕鷹房都總管府管領保定等路阿哈塔密爾

府	鹽運司	苑馬寺	行太僕寺	按察司	布政司	王府官	宦官	道錄司
					左右 布政使			
	都轉 運使	卿 少卿	卿 少卿	按察使 副使	左右 參政			
知府	同知			僉事	左右 參議	太監 左右 少監 左右 監丞		
同知	副使 提舉					長史 左右		
通判	副提舉	寺丞	寺丞			正 審理 奉御	左右 左右 正演法 長隨	
推官	副提舉			經歷		副		
經歷	知事	主簿	主簿	知事	問 副理	正 典膳 副	左右 左右 正 至靈元義	
知事								
知事照磨	吏目			照磨 司獄	照磨 司獄 大使	典簿		

應仁朝卷六

州	縣	儒學	五軍都左右都督都督 督府都督同知僉事	京衛	留守司	都司	所
					留守	都指 揮使	
					副留守 同知	都指 揮使 同知	
			鎮撫 司				
			鎮撫				
知州			經歷				
同知				經歷 斷事			
知縣				都事			
判官				副都事			
縣丞							
				吏目			
主簿巡檢							
教授 訓導 學正 教諭							
吏目							
吏目							
吏目							

添代史略卷六

土官

宣慰同知副使僉事副使僉事副使
使 宣慰同知安撫同知僉事
使 使招副招
討使討使

長官

副長官

吏目

吏目

明儒傳授圖

明儒學派惟崇仁河東姚江東林最盛
餘多特起無端緒可尋黃梨洲明儒學
案以方正學曹月川羅一峰蔡虛齋羅
整庵黃石齋諸先生彙列諸儒學案不
詳其授受之次茲圖亦循
其例僅舉其傳授可考者

○崇仁吳與弼康齋

一齋婁諒克貞
○姚江王守仁伯安觀
敬齋胡居仁叔心
莊渠魏校子才
白沙陳獻章公甫
○甘泉湛若水元明
敬庵許孚遠孟仲

○河東薛瑄敬軒

容思段堅可久
○涇野呂柟仲木
二原王恕介庵

少墟馮從吾仲好
○蕺山劉宗周念臺

○姚江王守仁伯安

念庵羅洪先達夫
江右鄒守益東廓
○止修李材見羅
南野歐陽德崇一
南中薛應旂方山
浙中徐愛曰仁
存齋徐階子升
緒山錢德洪洪甫
龍谿王畿汝中
定宇鄧以讚汝德
泰州王艮心齋
大洲趙貞吉孟靜
吉安顏鈞山農

南皋鄒元標爾瞻
荆川唐順之應德
近溪羅汝芳惟德

錢一本啟新
顧憲成叔時
○東林
高攀龍景逸
孫慎行淇澳

